

ጳውሎስ ቆሮንቶሳ አሳው ጳፌዳ ኮይሮ ኪታ ገሉዋ

ጳውሎስ ቆሮንቶሳ አሳው ጳፌዳ ኮይሮ ኪታይ፡ ጳውሎስ ቆሮንቶሳ ካታማን ደእያ አማንያዎንቱ ግደን ክርሰትና ደኡዋን አማኑዋ ጸልያባን ደንዴዳ መቱዋ ጳይሳናው ቆፒደ ጸፌዳዋ። ሄ ዋደ ቆሮንቶሳ ካታማይ ሄ ጋደን ደእያ አሳይ ጎኤትያ ኤረቴዳ ግሪክ ካታማ። ሄዋ ቦላካ ቃይ አካይያ ጌተትያ ሮማ ካወተላዉ ሁጸ ካታማ። ሀ ካታማይ ዋልቃማ ዛልእያን፡ ጋምኢደ ምኔዳ ዋጋን፡ ሎይሳ እክ እክ ብያ የዳ ደኡዋን ዋይ ገገናባ ሀንያዋንን ሀይማኖትያ ጮራተላን ኤረቴዳዋ።

የሱስ ኪቴዳዌ ምንሲደ ኦዳናዉ ኮይዳዌ፡ ሄ አማንያዎንቱ ግደን ደእያ ሻኮተላባን የዳ ደኡዋባ፡ ዋሹማባን ገሉዋ አካባ፡ ዋሳ ጎላ ዋጋባ፡ ጌሻ እያና እሞታቱዋባን ሀይቁዋ ደንዲዋባ። የሱስ ኪቴዳዌ ሀ ምሽራቹዋ ቃላ ሀ ኦሻቱዋ ቦላ ምንሲደ ኦድያዋ ናጊደ ሺሺ።

ሲቁ ጸሳይ ባረ አሳው እሜዳ እሞታ ኡባፕ አድያዋ ግድያዋ ኦድያ ሸምቹዋ ታማን ሄዙ፡ ሀ ማጻፋን ዳሮ ኤረቴዳዋ ጌተቲደ ቆፈቴ።

ሸምታቱዋ ኡባቶ እመቴዳ ቃንሳ ቆፋቱዋ

- ገሉዋ 1:1-9
- አማንያዎንቱ ግደን ደንዴዳ ሻኮተላ 1:10—4:21
- የዳ ደኡዋባን ሰይ አሳ ደኡዋባ 5:1—7:40
- አማንያዎንታን ክርሰትና አማኑዋ አክቤናዋንታ 8:1—11:1
- አማንያዎንቱ ደኡዋን ጎሽታ ዋጋ 11:2—14:40
- ክርሰቶስ ሀይቁዋ ጸን ደንደዋን አማንያዎንቱ ደንዲዋባ 15:1-58
- ይሁዳን ደእያ መቶታንቻቶ እመቴዳ ማዲዋባ 16:1-4
- ዉርሰላ ቁትያ 16:5-24

1 ታን፡ ጸሳ ሸንያን የሱስ ክርሰቶስ ኪቴዳዋ ግዳናዉ ጸሰቴዳ ጳውሎስ፡ ኑ እሻ ሶስተኒስ፡

2 ቆሮንቶሳን ደእያ ጸሓጻ አማንያ አሳቶ፣ የሱስ ክርስቶሳን ጌዬዳዋንቱስነ፣ ኑዉ ጎዳ ግድያ ኑ ጎዳ የሱስ ክርስቶሳ ሱንፋ ኡባ ሳኢን ጸሰያ ኡባቱዋና ጌሻ ግዳናዉ ጸሰቴዳዋንቶ ሀ ዳብዳቢያ ጸፊቶ።

3 ጸሓይ፣ ኑ አዉነ ኑ ጎዳይ የሱስ ክርስቶስ ህንተንቶ አቶ ኬካተላነ ሳርተላ አዋ።

ጸሓ ጋላቱሳ

4 ጸሓይ ክርስቶሳ የሱሳ ባጋና ህንተንቶ እሜዳ አቶ ኬካተላ ድራዉ፣ ታን ኡባ ዋደ ህንተንቶ ጸሓ ጋላታይ።

5-6 ታን ክርስቶሳዉ ማርካትያዌ ህንተንቱን ምኔዳ ድራዉ፣ ህንተ ኡባባን፣ ሃሳያ ኡባን ኤራተላ ኡባን፣ አነ ዱረቴድታ።

7 ሀዋዳን ህንተ ኑ ጎዳ የሱስ ክርስቶሳ ዩሳ ናግሸን፣ አያና አዋታፕ ሀራይ አቶ አቱነ ህንተንቶ ፓጨና።

8 ቃይ ኑ ጎዳ የሱስ ክርስቶሳ ጋላሳን ህንተ ካጄ ባይናዋንታ ግዳናዳን፣ ዉርስላይ ጋካናዉ እ ህንተንታ ምንሳናዋ።

9 ባረ ናኦ ኑ ጎዳ የሱስ ክርስቶሳ እትፕተላዉ ህንተንታ ጸሰዳ ጸሓይ አማነቴዳዋ።

አማንያ አሳ ግድን ሻኮተላይ መጠቀም

10 ሸን ታናዳን አማንያዋንቶ፣ እት ዋዛናንነ እት ቆፋን እትፕ ግዳናፕ አትን፣ ሻኮተላይ ህንተ ግድን ደኤና ማላ፣ ህንተ ኡባይ እት ሃሳያ ሃሳያናዳን፣ ኑ ጎዳ የሱስ ክርስቶሳ ሱንፋን ታን ህንተንታ ዋሳይ።

11 አያዉ ጎፕ፣ ታናዳን አማንያዋንቶ፣ ቃሎኦ ሶይ አሳይ ህንተንቱባ፣ ህንተ ግድን ዋላሳይ ደእያዋ፣ ታዉ ኦዴድኖ።

12 ታን ግያዌ ሀዋ፤ ህንተንቱ ሁጲያን ሁጲያን፣ “ታን ጳዉሎሳዋ። ታን አጲሎሳዋ። ታን ኬፋዋ። * ታን ክርስቶሳዋ” ያገታ።

13 ክርስቶስ ሻከቴዳ? ህንተንቱ ድራዉ፣ ማስቃልያ ቦላ ምስማርያን ድሸቴደ ካቀቴዳዌ ጳዉሎስ? ዋይ ህንተ ጳዉሎሳዉ ግዳናዉ ጸማቀቴድቴ?

14 ታን ቃርስጳሳፕን ጋዮሳፕ አትን፣ ህንተንቱፕ ኦናነ ጸማቃቤና ድራዉ፣ ጸሓ ጋላታይ።

15 ሄዋ ድራዉ፣ ኦንነ ህንተንታ ታዉ ግዳናዳን ጸማቀቴድታ ጋናዉ ዳንዳየና።

* 1:12 ኬፋ- ሀዌ ግሪክ ሱንፋ ግዲደ፣ ብለላይ ዛላ ግያዋ። ሀራ ጌሻ ማጻፋቴዋን ኬፋ ሱንፋይ ጸጸርሳ።

16 ቃይ፡ ኤ፡ እስጵፋኖሳ ሶይ አሳካ ታን ጸማቃድ። ሸን ሀራ ጉጃይ ጸማቃድታንቶን ዋዛና አላከ።

17 እያው ጎፕ፡ ክርስቶስ ታና ሞሽራቹዋ ቃላ ኦዳና ማላ ኪቴዳፕ አትን፡ ጸማቃና ማላ ኪትቤና፤ ቃይ ክርስቶስ ማስቃልያ ቦላ ሀይቄዳዌ መላ ግደና ማላ፡ ታን አሳ አዴዳ ኤራተላ ቃላን ታማርሰከ።

ክርስቶስ ጸሳ አዴዳ ኤራነ ዋልቃ

18 እያው ጎፕ፡ ክርስቶስ ማስቃልያ ቦላ ሀይቄዳዋ ኦድያ ቃላይ ዳይያዋንቶ ኤያተላ። ሸን ኑዉ አትያዋንቶ ጸሳ ዋልቃ።

19 ጸሳ ማጻፋይ፡

“ታን ኤራንቻቱዋ አዴዳ ኤራተላ፡

ባይዛና፤

ቃይ እኬካንቻቱዋ እኬካካ ዳይሳና”

ያጌ።

20 አዴዳ ኤራንቻይ ሀቃን ደኢ? ህግያ ታማርሰያዌ ሀቃን ደኢ? ዋይ ሀ አላምያ ጸናናዉ ፓሉመትያዋንቱ ዋናንድኖሻ? ጸሳይ ሀ ሳኣ አዶ ኤራተላይ ኤያተላ ግድያዋ በሴዳ!

21 እያው ጎፕ፡ አሳይ ባረ ሁጳ አዶ ኤራተላን ባረና ጸሳ ኤረና ማላ፡ ጸሳይ ባረ አዶ ኤራተላን ድጊደ፡ ኑን ኦድያ ኤያ ቃላን አማንያዋንታ አሻናዉ ቆፔዳ።

22 አይሁዳቱ ማላታ ኦቹኖ። ቃይ ግሪክ አሳቱ አዶ ኤራተላ ዋልቃማ ኮሻ ኮዪኖ።

23 ሸን ኑን ማስቃልያ ቦላ ሞሰማርያን ድሸቲደ ካቀቴዳ ክርስቶሳባ ኦዴቶ። ሄዌ አይሁዳቶ ዱቦ፤ ቃይ አይሁዳ ግደናዋንቶ ኤያተላ።

24 ሸን ጸሳይ ጴሴዳዋንቶ አይሁዳቶካ ግሪካቶካ ኑን ኦድያ ጸሳ ዋልቃይነ አ አዶ ኤራተላይ ክርስቶሳ።

25 እያው ጎፕ፡ ጸሳ ኤያተላይ አሳ አዴዳ ኤራተላፕ አዴ፤ ቃይ አ ላፋተላ ጌተትያዌካ አሳ ሞኖተላፕ ሞኔ።

26 ሰም ታናዳን አማንያዋንቶ፡ ጸሳይ ህንተንታ ጴሰያ ዋደ ህንተ ዋይሳ ማላ አስንቶ ቆፕተ። አሳ ቆፋን ህንተ ግድን አዶ ኤራንቻቱ፡ ዋልቃማቱን ዶቃ ሼሻቱ ዳራ ግድክኖ።

27 ሸን ጸሳይ አዴዳ ኤራንቻቱዋ ዬላያናዉ፡ አላምያን ደእያ ኤያቱዋ ዶሬዳ፤ ቃይ ሞናቱዋ ዬላያናዉ፡ አላምያን ደእያ ላፋቱዋ ዶሬዳ።

28 ጸሳይ ሀ አላምያን ዋልቃማባ ጊደ ቆፕያዋ ጳይሳናው። ሀ አላምያ ማደናባ ካብቶባነ ሀንቤናባ ደራዳ።

29 ሄዋ ድራው። ኦንነ ጸሳ ሰንፋን ጨቀታናው በሰና።

30 ሸን ጸሳይ ሀንተንቶ ክርሰቶሰ የሱሳ ደኡዋ ኦል እሜዳ። ክርሰቶሰ ኑዉ እቶ ኤራተፋ፣ ጽሎተፋ፣ ጌሻተፋነ አቶተፋ ግዴዳ።

31 ሄዋ ድራው። ጸሳ ማጸፋይ።

“ጨቀትያ ኡራይ ኦንነ።
ጎዳይ ኦሌዳዋን ጨቀቶ”
ያጌ።

2

ኦን ክርሰቶሳ ካቃባ ማርካቴቶ

1 ታናዳን አማንያዋንቶ፣ ታን ጸሳ ቱማተፋ ጹራ * ሀንተንቶ ኦዳናው ሀንተንቱኮ ዬዳ ዋደ፣ ቶቃ ቃላንነ አጴዳ ኤራተፋን ኦዳናው ያበይከ።

2 አያው ጎፕ፣ ታን ሀንተንቱና ደኣደ፣ የሱሰ ክርሰቶሳፕነ ቃይ ማሰቃልያ ቦላ ሞሰማርያን ትሽቲደ እ ካቀቴዳዋፕ አትን፣ ሀራባ ኤረናዳን፣ ታ ቆፋ ቃቻድ።

3 ታን ዳቡራንነ ያሻን ዳሮ ኮኮርሳን ሀንተንቱና ደኣድ።

4 ታን ታማርሰያዋነ ኦድያዋ ጸሳ አያናንነ ዋልቃን ቆንጮሳይፕ አትን፣ ጨማ ግዲደ አጴዳ ኤራተፋ ቃላና ግደና።

5 ሄዋ ድራው። ሀንተ አማኑ ጸሳ ዋልቃናፕ አትን፣ አሳ አቶ ኤራተፋን ዘምፕቤና።

ጸሳ አጴዳ ኤራ

6 ኦን አያናን ዋዛናማቱዋ ግደን አቶ ኤራተፋ ሃሳዬቶ። ሸን ሄዋካ ሀ አላምያ አቶ ኤራተፋ ግደና፣ ዋይ ሀ አላምያ ሞድያ ጳይያዋንቱ አቶ ኤራተፋ ግደና።

7 ሸን ኦን ኦድያ አቶ ኤራተፋይ፣ ጸሳይ ካሰቲደ፣ ጮራ ዋድያፕ ካሰ ኑ ቦንቾ ደራዳ አሳፕ ጌሜዳ አ ጹራ አቶ ኤራተፋ።

8 ሀ አላምያ ሞድያዋንቱፕ ኦንነ ሀ አቶ ኤራተፋ ኤርቤና። ኡንቱንቱ ኤራዳዋ ግድንቶ፣ ቦንቾ ጎዳ ማሰቃልያ ቦላ ሞሰማርያን ትሽቲደ ካቀክና።

9 ሸን ጸሳ ማጸፋይ።

1:31 ኤር. 9:24 * 2:1 ጸሳ ቱማተፋ ጹራ፡- አት አት ጌሻ ማጸፋ ብለላቱ፣ ጸሳባ ማርካተፋ፣ ያጌና።

“ኦገን አይፍያን በእቤናዌ፥
 ሀይላንካ ሰሰቤናዌ፥
 ቃይ ኦገን ባረ ዋዛናን ቆጥቤናዌ
 ጸሳይ ባረና ሲቅያዋንቶ ገግሴዳዋ”

ግያዋዳን ኩን ሃሳዬቶ።

10 ጸሳይ ባረ ጹራ የወዋ ባረ አያናን ኑና ኤርሴዳ፤ አያዉ ጎጥ፥
 ጌሻ አያናይ ጸሳባ ሀራይ አቶ ጌሜዳ የወዋ ኡባ ብዴ።

11 አያዉ ጎጥ፥ አሳን ደእያ አሳ አያናጥ አትን፥ አሳባ ኤርያዌ ኦኔ?
 ሀዋዳንካ፥ ቃይ ጸሳባ ጸሳ አያናጥ አትን፥ ኦገን ኤረና።

12 ኩን ጸሳይ ኑዉ እሜዳባ ኡባ ኤራናዉ እ ኑዉ የዴዳ አያና
 አኬዶጥ አትን፥ አላምያ አያና አክበይኮ።

13 ኩን አያና የወዋ † አያና የወዋና ጋሊደ፥ ጌሻ አያናይ ኑና
 ታማርሴዳ ቃላን ሀዋ ሃሳዬቶጥ አትን፥ አሳ እጾ ኤራተላይ ኑና
 ታማርሴዳ ቃላን ሃሳዮኮ።

14 ሸን ጌሻ አያናይ ባይና አሳይ ጸሳ አያና የወዋ አከና፤ አያዉ
 ጎጥ፥ ሄዌ እዉ ኤያተላ። የዉ ጌሻ አያናን ጋጩትያ ድራዉ፥ እ
 ኤራናዉ ዳንዳየና።

15 ሸን ጌሻ አያናይ ደእያ አሳይ ኡባባ ሻኬ፤ ሸን እ ባረ ሀጸዉ
 ኦናንከ ሻከተና።

16 አያዉ ጎጥ፥ ጸሳ ማጸፋይ፥

“ጎዳ ዋዛና ኤርያዌ ኦኔ?

እ ዘራናዉ ዳንዳይያዌ ኦኔ?”

ያጌ። ሸን ኑዉ ክርሰቶሳ ዋዛናይ ደኤ። †

3

ጸሳ ካልያዋንቱ አሱዋ

1 ታናዳን አማንያዋንቶ፥ ታን ጌሻ አያናይ ደእያ አሳዉ
 ሃሳይያዋዳን፥ ሀንተንቶ ሃሳያናዉ ዳንዳያበይከ። ሸን ሀ አላምያ
 አሳዉ ሃሳይያዋዳንን አማኑዋን ምንቤና ክርሰቶሳን ደእያ ጉላ
 ናና ማላ አሳዉ ሃሳይያዋዳን ሃሳያድ።

2 ሀንተንቱ ብር ምኖ ቁማ ማናዉ ዳንዳይቤና ድራዉ፥ ታን
 ሀንተንታ ማላ ጋካድ፤ ሀራይ አቶ፥ ሀእካ ዳንዳይበይክታ።

2:9 እሳ. 64:4 † 2:13 አያና የወዋ- ጌሻ አያናይ እሜዳ ቃላ። † 2:16
 ኑዉ ክርሰቶሳ ዋዛናይ ደኤ- ሀዋ ጉሳይ፥ ኩን ክርሰቶሰ ቆጥያዋዳን ቆጥቶ ጉሳ።
 2:16 እሳ. 40:13

3 እያወ ጎጥ፡ ህንተ ሀእካ ሀ አላምያ አሳዳን ደኢታ። ህንተንቱ ሀ አላምያ አሳ ግድያ ህንተ ግደን ደእያ ቃናቲነ ፓሉማይ ኤርሰኔ? ቃይ ሀ አላምያ አሳዳን ሰመረቲታ።

4 እያወ ጎጥ፡ ህንተንቱፕ እቱ፡ “ታን ጳዉሎሳዋ” ጎጥ፡ ሀሪይ ቃይ፡ “ታን አጲሎሳዋ” ጎጥ፡ ሀ አላምያ አሳ ማላ ግድክቲ።

5 ያትና፡ አጲሎሰ ኦኔ? ጳዉሎሰ ኦኔ? ኑን ህንተንታ አማንጴዳ ጸሳ ካልያዋንታ። ጸሳይ ኑዉ ሁጲያን ሁጲያን እማዳ ኦሱዋ ኦፊቶ።

6 ታን ፑትያ ቶካድ፤ አጲሎሰ ሃላ ኡሺዳ፤ ሸን ጸሳይ ፑትያ ድቼዳ።

7 ሄዋ ድራዉ፡ ድቹያ ጸሳጥ አትን፡ ቶክያዌካ ሃላ ኡሺያዌካ አያነ ግድና።

8 ቶክያዌካ ሃላ ኡሺያዌ እት ማላ፤ ሸን ጸሳይ ሁጲያን ሁጲያን አ ዳቡራ ኬና እዉ ዋይታና።

9 ኑን ጸሳዉ እትጥ ኦልያ አ ኦሳንቻቱዋ ግድያ ድራዉ፡ ህንተ አ ኦሱዋ ሳኦ።

ቃይካ ህንተ ጸሳ ጎልያ።

10 ጸሳይ ታዉ እማዳ አጼ ኬካተላን ኤራንቻ አናጽያዳን፡ ጎልያ ባሱዋ ባሳድ። ሀሪ ኡራይ አ ቦላ ኬጼ። ሸን አ ቦላ ኬጽያ ኦንነ ዋት ኬጽንቶ፡ ባረ ሁጳዉ ናገቶ።

11 እያወ ጎጥ፡ ጸሳይ የሱሰ ክርሰቶሳ ጸላላ ባሶ ኦፊደ ዋፊዳ። አጥ ሀሪ ባሱዋ ባሳናዉ ኦንነ ዳንዳየና።

12 ሸን ሀ ባሱዋ ቦላ ኦንነ ዋርቃን ግድና፡ ብራን ግድና፡ አልኦ ሹቻን ግድና፡ ሞላን ግድና፡ ጋታን ዋይ ማቃን ኬጾጥ።

13 አሳ ኡባ ኦሱ ቆንጭያ ከሳናዋ። እያወ ጎጥ፡ ታማን ቆንጫና ድራዉ፡ ሄ ጋላሳይ አሳ ኡባ ኦሱዋ በሳና። አሳይ ኡባይ ባረ ኦሱዋ ዋት ኦፊደንቶነ ታማይ ፓጫና።

14 ኦንነ ባሱዋ ቦላ ኬጼዳ ኦሱ ሞኒደ አቶጥ፡ እ ዋይታ አካናዋ።

15 ኦ ኦሱነ ጉደቶጥ፡ ሄ ኡራይ ቆሄታና። እ ባረ ሁጳዉ አታና፤ ሸን ታማ ግደጥ ከሰ አኮዋዳን አታና።

16 ህንተንቱ ጸሳይ አቅያ ጌሻ ጎልያ ግድያዋነ ጸሳ አያናይ ህንተንቱን ደእያዋ ኤርክቲ።

17 ኦንነ ጸሳ ጌሻ ጎልያ ኮሎጥ፡ ጸሳይ አ ኮላና። እያወ ጎጥ፡ ጸሳይ አቅያ ጌሻ ጎሊ ጌሻ፤ ሄ ጌሻ ጎሊካ ህንተንታ።

18 ኦንነ ባረ ሁጲያ ጭምፖ። ህንተንቱፕ ኦንነ ባረና ሀ አላምያን አቶ ኤራንቻ ያጊደ ቆፖፕ። አቶ ኤራንቻ ግዳናው። ኤያ ግድ።

19 አያው ጎፕ። ሀ አላምያ አቶ ኤራተላይ ጸሳ ሰንላን ኤያተላ። ጸሳ ማጸፋይ።

“ጸሳይ አቶ ኤራንቻቱ።
ኤንቱንታ ኤንቱንቱ ገንያን ኦይቄ”

ያጌ።

20 ቃይ።

“አቶዳ ኤራንቻቱ። ቆፋይካ።
ማዲ ባይናፕ ግድያፕ ጎዳይ ኤሬ”

ያጌ።

21 ሄፕ ድራው። ኦንነ አሳን ጨቀቶፖ። አያው ጎፕ። ኡባባይካ ህንተፕ።

22 ጳውሎሰካ። አጲሎሰካ። ኬፋይካ። ሀ አላሚካ። ደኡካ። ሀይቁካ። ሀእ ደአያዌካ። ሰንላፕ ያናዌካ። ኡባይካ ህንተፕ።

23 ህንተንቱ ክርሰቶሳዋንታ፤ ክርሰቶሰካ ጸሳፕ።

4

ክርሰቶሳ ካልያዋንታ

1 አሳይ ኑና ክርሰቶሳው ኦልያዋንቱዳንነ ጸሳ ጎለን ደአያ ጸራ ናግያ አሳዳን ቆፖ።

2 ያቲደ ሄ አሳቱ ባረንቱ ጎዳው አማነቱዳዋንታ ግዲደ። ቤታናው ኮሼ።

3 ሸን ህንተ ዋይ ሀራይ ታ ቦላ ፕርዶፕ። አይነ ግድና። ሀራይ አቶ። ታንካ ታ ሁጲያን ፕርድከ።

4 አያው ጎፕ። ታን ታ ሁጲያን አያኔካ ኤርያባይ ባዋ፤ ሸን ታና ሄዌ ጽልሰና። ታና ፕርድያዌ ጎዳ።

5 ሄፕ ድራው። ጎዳይ ቶማን ጌማዳባ ፖኡዋ ከሰያዌ። ዋዛና ቆፋ ቆንጭሰያዌ ያና ዋዲ ጋካናው ኦ ቦላንነ ኦናነ ፕርድፕተ። ሄ ዋዶ። አሳይ ኡባይ ሁጲያን ሁጲያን ጸሳፕ ሳባ ደማናፕ።

6 ታናዳን አማንያዋንቶ። ህንተንቱፕ ኦንነ እቱ ታማርሰያዋ ሳቢደ። ሀራይ ታማርሰያዋ ቦረና ማላ። “ጸሳ ማጸፋን ጸፈቱዳዋ ቦንቻ” ያግያዋ ህንተ ኑናና ታማራና ማላ። ህንተ ድራው። ታባነ አጲሎሳባ ሌምሱዋዳን ኦዲድ።

7 እያው ጎጥ፡ ሀራቱዋጥ ኔና ኦኔ ቶቂሴዳዌ? ኔን ጸሳጥ አካቤናባይ ነው አዬ ደእያዌ? ያትና፡ ኔን እኬዳዋ ግደጥ፡ እያው አካቤናዋዳን ጩቀታይ?

8 ሀእ ሀንተ ካሌድታ፡ ሀእ ዱረቴድታ፡ ኔን ባይናን ሀንተረካ ካውቴድታ፡ ኔንካ ሀንተንቱና ካተታናዳን፡ ሀንተ ካውቴድተንቶ ሎእ ሸን፡

9 እያው ጎጥ፡ ታው ማላትያዋዳን፡ ኔን ሀ ሳአው፡ ኪታንቻቶን አሳው ካሳ ግዴዳ ድራው፡ ጸሳይ ኔና የሱሰ ኪቴዳዋንታ ሀይቆ ፕርደቴዳ አሳዳን፡ ኡባጥ ወርሰሳ አሌዳ፡

10 ኔን ክርሰቶሳ ድራው ኤያ፡ ሸን ሀንተ ክርሰቶሳን አዴዳ ኤራንቻ፡ ኔን ዳቡራንቻ፡ ሸን ሀንተ ሞና፡ ሀንተንቱ ቦንቹቴዳዋንታ፡ ሸን ኔን ቶሽቴዳዋንታ፡

11 ሀ ዋዲ ጋካናው፡ ኔን ኮሻቴቶ፤ ሳመቴቶ፤ ካሎቴቶ፤ ደሸቴቶ፡ ቃይ ደእያ ሳአ ጳዪደ ዩዬቶ፡

12 ኔን ኑ ኩሸያን ኦሊደ ዳቡራቶ፡ ኔና አሳይ ሸቂያ ዋደ፡ አንጃቶ፡ ኔና የደርሰ ዩይያ ዋደካ ዳንዳዬቶ፡

13 ኑ ቦላ ኢታባ ሃሳይያ ዋደ፡ ኔን ሎኦ ቃላ ዛሬቶ፡ ኔን ሀዋ ጋካናሰካ፡ ሀ ሳአ ፕቱዋን ኡባባ ቡራ ግዴድ፡

14 ታን ታ ሲቅያ ናናዳን፡ ሀንተንታ ሴራናው ሀዋ ጸፋድጥ አትን፡ ዬላያናው ጸፋቢይከ፡

15 እያው ጎጥ፡ ክርሰቶሳን ሀንተንታ ድኻያ ታሙ ሻእ አሳይ ሀንተንቶ ደአጥካ፡ ሀንተንቶ እት አወዋጥ ሀራይ ባዋ፡ እያው ጎጥ፡ ታን ሞሽራቹዋ ቃላ ሀንተንቶ አሄዳዋዳን፡ ክርሰቶሳ የሱሳን ሀንተንቶ አወዋ ግዴድ፡

16 ሰሞ ታናዳን ሀንተ ያጋደ ሀንተንታ ዋሳይ፡

17 ሄዋ ድራው፡ ጎዳን አማነቴዳ ታ ሲቅያ ታ ናአ ጽሞቶሳ ሀንተንቱኮ ኪታድ፡ እ ኡባ ሳአን ደእያ አማንያ አሳ ኡባው ታን ታማርሰያ ክርሰቶሳ የሱሳን ደእያ ታ ኦግያ ሀንተንታ ሀሳይሳናዋ፡

18 ታን ሀንተንታ በአናው ሀንተንቱኮ ዬናባ ማላትና፡ ኦቶረትያ እት እት አሳቱ ደእኖ፡

19 ሸን ጎዳይ ጎጥ፡ ታን ሀንተንቱኮ ኤለካ ባደ ሄ ኦቶረትያ አሳቶ ሃሳያ ግደናን፡ ኡንቱንቱ ዋልቃ ኤራና፡

20 እያው ጎጥ፡ ጸሳ ካውተላይ ጸሳ ዋልቃናጥ አትን፡ ሃሳያና ግደና፡

21 ታን ሀንተንቱኮ ሙርያ ጸምኣና ዮዮ ዋይ ሲቁዋናን አሸከ እያናና ዮ? ሀቃዋ ዶሪቴ?

5

አማንያ አሳ ግደን ኦሰቴዳ ፖኮባ

1 ህንተንቱ ግደን ፖኮ ዎሹማ ኦሱ ደእያዌ ዝግረቴ፤ ሄዎ ማላ ፖኮ ዎሹማ ኦሱ ሀራይ አቶ፣ ጸሳ አማነና አሳ ግደንን ባዎ። አያው ጎፕ፣ ባረ አወዋ ማቻቶ እኬዳ አሳይ ደኤ።

2 ህንተንቱካ ኦቶረቴድታ። ሄዎፕ ህንተ ካዮታናው በሰኔ? ሄዎ ማላ ፖኮ ኦሱዋ ኦሌዳ ብታኒ ህንተ ግደፕ ክቻናው በሴ።

3-4 እያ ግደናካ ታን ታ አሳተላን ህንተንቱና ደኤናን ቆየፕካ፣ አያናን ህንተንቱና ደአይ። ሀእ ህንተንቱና ደእያዎዳን ሀናደ፣ ሄዎ ማላ ኦሱዋ ኦሌዳ ብታንያ ቦላ ኑ ጎዳ የሱሰ ክርሰቶሳ ሱንላን ፕርዳድጋድ። ህንተንቱን ታ አያናይ ኑ ጎዳ የሱሰ ክርሰቶሳ ዎልቃና እትፕ ሸቂደ።

5 ሄ ብታንያ አያናይ ጎዳ የሱሰ ፕርዳው ይያ ጋላሳን አታና ማላ፣ ናጋራን ኩሜዳ እ ቦላ ኮላናዳን ሴጻናው ህንተ አማናዳን፣ ታን ፕርዳድ።

6 ህንተንቱ ጩቁ ሎእ ግደና። ጉላ እርሹ ሙናቃ ኡባ ደንሰያዎ ኤርክቴ?

7 ህንተንቱ ኦራላ ግዳና ማላ፣ ናጋራ እርሹ ጫሌዳዎ ከሰተ። ህንተንቱ እርሹ ባይና ሙናቃ ማላ። አያው ጎፕ፣ ኑ ፓሰጋ ደርሳይ፣ ክርሰቶሰ ያርሸቴዳ።

8 ሄዎ ድራው፣ ኑን ኡክላ ባላ ሱረተላንን ቱማተላን ቦንቻናፕ እትን፣ ጫላ እርሹዋን፣ ኢታተላ እርሹዋንን ጌላተላ እርሹዋን ቦንቻኮ።

9 ዎሹማናው ቆፕያዋንቱና ህንተ እትፕ ጋይተና ማላ፣ ህንተንቶ ዳብዳቢያ ጸፋድ። *

10 ታን ግያዌ ሀ አላዎያን ደእያ ዎሹማናው ቆፕያዋንቱፕ ዎይ የራትያዋንቱፕ፣ ካይሶትያዋንቱፕን ዎይ ኤቃው ጎይንያዋንቱፕ ኡባካ ሻክታና ማላ ግደና። ሄዎ ግደፕ፣ ሀ አላዎያፕ ህንተ ሻክት ባናው በሴ ጉሳ።

11 ሸን እሻቱዎ ሀእ ጌተትያዋንቱፕ እቱን ዎሹማናው ቆፕያዋንቱ ዎይ ሚሻው የራትያዋንቱ ዎይ ኤቃው ጎይንያዋንቱ ዎይ አሳ ሱንላ ባይዘያዋንቱ ዎይ ማሶትያዋንቱ ዎይ ወእያዋንቱና

5:1 ዛረ. 22:30 5:7 ከሳ 12:5 5:8 ከሳ 13:7፤ ዛረ. 16:3

* 5:9 ዳብዳቢያ ጸፋድ፡- ሀዎ ጸፋናፕ ካሰና ጳውሎስ ቆሮንቶሳ አሳው ጳፌዳ ሀራ ቆንጭያን ኤረትቤና ዳብዳቢ ደኤ ጉሳ።

ህንተንቱ እትጥተላ ኦባና ማላ፡ ታን ህንተንቶ ጸፋድ። ሄዋንቱ ማላና ሀራይ አቶ፡ ቁማካ እትጥ ሞጥተ።

12 አያው ጎጥ፡ ዋሳ ጎለጥ ካረና ደእያዋንቱ ቦላ ፕርዳናው ታና አይ ጋላ? ህንተንቱ ግደን ዋሳ ጎለን ደእያዋንቱ ቦላን ህንተ ፕርድክቲየ?

13 ሸን ካረና ደእያዋንቱ ቦላን ጸሳይ ፕርዳና። ሄ ኢታባ አለያ ኡራ ህንተ ግደጥ ከሰ ድግተ።

6

አማንያ አሳ ግደን ደእያ ዋሳ ዋቲደ ጳይሳናው በሲ?

1 ህንተንቱጥ እት ኡራው ባረ እሻና ሞቱ ደእያባ ግደጥ፡ አማንያዋንቱ ቦላ ፕርደታናዋ ባሺደ፡ አማንናዋንቱ ቦላ ፕርደታናው ዋን ጸሊደ ቤዳ?

2 አማንያዋንቱ አላምያ ቦላ ፕርዳናዋ ኤርክቲ? ያትና፡ አላምያ ቦላ ህንተ ፕርዳናዋንታ ግደጥ፡ ኡባባጥ ጉጽያዋ ፕርዳናው ዳንዳይክቲ?

3 ሀ ደኡዋባይ አቶ ሸን፡ አማንያዋንቱ ኪታንቻቱዋ ቦላ ፕርዳናዋ ኤርክቲ?

4 ያትና፡ ህንተንታ ሀ አላምያ ደኡዋባው ፕርዳ ጎለ ቡሳይ ኮሸጥ፡ አማንያ አሳይ ካጴዳ አሳን ፕርድሳናው አፊቲ?

5 ታን ህንተንታ ዬላያናው ሀዋ ጋይ፤ ሀዋ ግዳናው በሲ? ህንተንቱ ግደን እሻቱዋ ሰገላናው ዳንዳይያ ሎኦ ኤራንቻ አሳይ አቲነ ባዌ?

6 ሸን እት እሻይ የኮ እሻ ፕርዳ ጎለን ሞቲደ፡ ሄ የወዋ አማንና አሳን ፕርድሲ?

7 ሰም እቱ እቱዋ ሞትያዌ ህንተ ግደን ደኦጥ፡ ሄዌ ህንተ ኩንዴዳዋ በሴ። ሄዋጥ ህንተ ናቀትያዌነ ጭመትያዌ ሎኤኔ?

8 ሸን ህንተ ህንተ ሁጸው እቱ እቱዋ ሀራይ አቶ፡ ህንተ እሻቱዋካ ናቂታነ ጭሚታ።

9 ዋይ ማካላንቻቱ ጸሳ ካወተላ ላተናዋ ኤርክቲ? ባሎጥተ። ዋሹማናው ቆጥያዋንቱ ዋይ ኤቃው ጎይንያዋንቱ ዋይ ዋሹምያዋንቱ ዋይ አቱማዋ ግዲደ፡ አቱማዋና ግሰያዋንቱ፡

10 ዋይ ካይሳቱ ዋይ ሚሻው የራትያዋንቱ ዋይ ማላትያዋንቱ ዋይ አሳ ሱንላ ባይዘያዋንቱ ዋይ ቦንቂያዋንቱ ጸሳ ካወተላ ላትክኖ።

5:13 ዛረ. 13:5፤ 17:7

11 ህንተንቱፕፕ ኣት ኣት ኣሳይ ሄዋንቱ ማላ። ሸን ጎዳ የሱሰ ክርሰቶሳ ሱንጎን ኑ ጸሳ ኣያናን ህንተ ሜጨቲደ ጌዬድታ፤ ቃይ ጽሌድታ።

ህንተንቱ ኣሳተፋ ጸሳ ቦንቾ ፔሸተ

12 ኣት ኡራይ፡ “ታን ኮዬዳባ ኡባ ኦላናዉ ዳንዳያይ” ጋና ዳንዳይ። ሸን ኡባይካ ታና ማደና። ታን ኮዬዳባ ኡባ ኦላናዉ ዳንዳያይ። ሸን ኣዬኔካ ታና ሞደና።

13 ቃይ ሀራይካ፡ “ቁማይ ኡሉዋሳ፤ ኡሉካ ቁማሳ” ጌ። ሸን ጸሳይ ኡሉዋካ ቁማካ ቆይሳና። ኣሳ ኣሳተፋይ ጎዳ የሱሳሳፕ ኣትን፡ ዋሹማሳ ግደና። ጎዳ የሱሰካ ኣሳ ኣሳተፋሳ።

14 ጸሳይ ጎዳ የሱሳ ሀይቁዋፕ ደንሌዳ፤ ቃይ ኑናካ ሀይቁዋፕ ባረ ዋልቃን ደንላና።

15 ህንተንቱ ኣሳተፋይ ክርሰቶሳ ኣሳተፋና ኣቱዋ ግድያዋ ህንተ ኤርክቲ? ያትና፡ ታን ክርሰቶሳ ኣሳተፋና ኣቱዋ ግዳዳዋ ኣፋደ፡ ጫራት ኣሳተፋና ኣቱዋ ኦላናዉ በሲ? በሰና!

16 ዋይ ጫራትና ኣትፕተፋ መድያ ኡራይ ኣዝና ኣት ኣሳተፋ ግድያዋ ኤርክቲ? ኣያዉ ጎፕ፡ ጸሳ ማጸፋይ፡ “ኡንቱንቱ ላክቲ ኣት ኣሾ ግዳና” ያጌ።

17 ሸን ጎዳና ኣትፕተፋ መድያ ኡራይ ኣያናን ኣናና ኣቱዋ ግዳ።

18 ዋሹማፕ ሃክተ። ኣት ኡራይ ኦላያ ሀራ ናጋራ ኡባይ ኣ ኣሳተፋፕ ካረና ደኤ፤ ሸን ዋሹምያዌ ባረ ቦላን ናጋራ ኦላ።

19 ዋይ ህንተ ቦላይ ጸሳይ ህንተንቶ ኣሜዳ ህንተንቱን ደኣያ ጌሻ ኣያናይ ኣቆያ ጌሻ ጎልያ ግድያዋ ኤርክቲ? ቃይ ህንተ ህንተ ሁጲያሳ ግድክታ።

20 ኣያዉ ጎፕ፡ ጸሳይ ህንተንታ ጋትያን ሻሜዳ። ሄዋ ድራዉ፡ ህንተ ኣሳተፋን ኣ ቦንቾተ።

7

ገሉዋ ኣካባሰ ኦሽቲዳ ኦሻን ኣመቲዳ ዛሩዋ

1 ህንተንቱ ታዉ ጸፌዳ የዋ ኣቱማ ኣሳይ ማጨዉኖ ቦቹንንቶ ሎኣ።

2 ሸን ዋሹማ ጋሱዋ ድራዉ፡ ኣቱማ ኣሳዉ ሁጲያን ሁጲያን ማቻታ ደኡ። ቃይ ማጨ ኣሳዉካ ሁጲያን ሁጲያን ኣሰናይ ደኡ።

6:16 ደመላ 2:24

3 አሰናይ ባረ ማቻትዉ አሰናተላን በሰያባ ኦሉ፤ ቃይ ሄዋዲን፡ ማቻታካ ባረ አሰናዉ ማቼተላን በሰያባ ኦሉ።

4 ማቻታ ባረ አሳተላዉ ጎዳ ግዲኩ፤ ሽን እዝ አሰናይ ጎዳ። ሀዋዲንካ፡ ቃይ አሰናይ ባረ አሳተላዉ ጎዳ ግደና፤ ሽን አ ማቻታ ጎዳ።

5 ህንተንቱ ህንተ ግደን ጸሳ ዋሳን ገንጫናዉ ሄ ዋድያዉ ዘረታን ድገታናጥ አትን፡ እቱ እቱዋ ድጎጥተ። ህንተንቱ ህንተንታ ናገና ድራዉ፡ ሴጸናይ ህንተንታ ፓጩናዲን፡ እትጥ ደእተ።

6 ሽን ታን ህንተንታ ሄዋ ህንተ ዶሶዋዲን ህንተ ጋይጥ አትን፡ አዛዘከ።

7 ታን አሳይ ኡባይ ታናዲን ህንንቶ ዶሳይ። ሽን ጸሳይ አሳዉ ሁጲያን ሁጲያን ዲማ ዲማ እዋታ እም ዋሌዳ፤ እቶ ሀዋዲን፡ ቃይ የኮ ሄዋዲን እም ዋሌዳ።

8 ሄዋ ድራዉ፡ ታን ማቻቶ አክቤናዋንቱን አሰናይ ሀይቆ ማጫዋንቱ ታናዲን ጮ ደእናንቶ፡ ኡንቱንቶ ሎእ ጋይ።

9 ሽን አሙዋን ጉደትያዋጥ አክያዌን ገልያዌ ሎእ ግድያ ድራዉ፡ ኡንቱንቱ ባረንታ ናጋናዉ ዲንዲያና ጳዮጥ፡ አክና ገልኖ።

10-11 ማቻታ ባረ አሰናጥ ሻከቱቹ። ሽን ሻከቶጥን ገለናን ደኡ፤ ዋይ ባረ አሰና ሰገቱ። አሰናይካ ባረ ማቻቶ የዶፖ ያጋደ፡ አኬዳዋንታን ገሌዳዋንታ አዛዛይ። ሽን ሀዋ አዛዘያዌ ጎዳጥ አትን፡ ታና ግድከ።

12 ታን ሀራቱዋ ሀዋዲን ጋይ፤ ጎዳ ግደና። አማነና ማቻታ ደእያ አማንያ አሳይ ኦንን ደኦጥ፡ አ ማቻታ አናና እትጥ ደእያዋ እ ደሶጥ፡ እዘ የዶፖ።

13 ቃይ አማነና አሰናይ ደእያ አማንያ ማቻታ ደኦጥ፡ እዝ አሰናይ አዘና እትጥ ደእያዋ እዛ ደሶጥ፡ አጥ ሻከቱቹ።

14 አያዉ ጎጥ፡ አማነና አሰናይ ባረ አማንያ ማቻትና ደኢደ ጌዬዳ። ቃይ አማነና ማቻታ ባረ አማንያ አሰናና ደኢደ ጌያዲ። ሄዌ ባዌንቶ፡ ህንተንቱ ናናይ ቱና፤ ሽን ሀእ ኡንቱንቱ ጌሻ።

15 ሽን አማነናዌ ሻከታና ኮዮጥ ሻከቶ። አማንያ ማቻቶ ግድና፡ ዋይ አሰና ግድና፡ ሀዋ ማላ የዉዋን ቃሽትክና። አያዉ ጎጥ፡ ጸሳይ ኑና ሳሮተላን ደእናዉ ጴሴዳ።

16 አማንያ ማቻቱ፡ ኔን ነ አሰና አሻንንቶን ኦ ኤር? ዋይ አማንያ አሰናዉ ኔን ነ ማቻቶ አሻንንቶን ኦ ኤር?

ጸሳይ ህንተንታ ኮይሮ ጴሴያ ዋደ ህንተንቱ ደእያ ሀናታን ደእተ

17 ግድገና፡ ከሳይ ሁጲያን ሁጲያን ጎዳይ አዉ አሜዳዋዳንን ቃይ ጸሳይ ባረና ጸሴዳዋዳን ደኦ። ሄዌ አማንያ ከሳ ኡባ ታን ታማርሴዳ ሀግያ።

18 ኦንነ ቃጸረት ኡቲደ፡ ጸሳ አማኔዳዋ ግድገ፡ ባረ ቃጸራ ማላ ድጎፖ። ቃይ ኦንነ ቃጸረተናን ደኢደ፡ ጸሳ አማኔዳዋ ግድገ ቃጸረቶፖ።

19 አያዉ ጎፐ፡ ጸሳ አዛዙዋ ናጋናፐ አትን፡ ቃጸረትና ቃጸረታና ጳይና አላሊ ባዋ።

20 አሳይ ሁጲያን ሁጲያን ጸሳይ ባረና ጸሴያ ዋደ ደእያዋዳን ደኦ።

21 ጸሳይ ኔና ጸሴያ ዋደ ኔን አይለ? አይነ ባዋ፤ ሸን ኔን አይለተፋፐ ከሳናዉ ዳንዳዮፐ ከሳ።

22 አያዉ ጎፐ፡ አይለ ግድ ኡቴዳ አሳ ጎዳይ ጸሶፐ፡ እ ጎዳይ አይለተፋፐ ከሴዳ አሳ። ሀዋዳንካ፡ አይለ ግድና አሳ ክርሰቶሰ ጸሶፐ፡ እ ክርሰቶሳ አይለ።

23 ጸሳይ ሀንተንታ ጋትያን ሻሜዳ። አሳ አይለ ግድፐፐ።

24 ታናዳን አማንያዋንቶ፡ አሳይ ሁጲያን ሁጲያን ጸሳይ አ ጸሴያ ዋደ ደእያ ደኡዋዳን፡ ጸሳና ደኦ።

ገለት አከትቤናዋንቱባነ አምኤቱዋባዉ ኦሸቴዳ ኦሻ

25 ዋድራቶ ጎዳይ ታና አዛዜዳባይ ባዋ። ሸን ታን ጎዳዉ አማንቴዳዋ ግዴዳ ድራዉ፡ አፐ ማሮተፋ አኬዳዋዳን፡ ሀንተንታ ዞራይ።

26 ሰዎ ሀእ መቶ ታዉ ሀዌ ሎአ ማላቴ፤ አሳይ ሀዋዳን ሀኒደ ደኦፐ ሎአ።

27 ኔን ማቻቶ አካ ድጌዳዋ ግድገ፡ እዘ የዳናዉ ኮዮፓ። ማቻቶ አካቤናዋ ግድገ፡ አካናዉ ኮዮፓ።

28 ሸን ኔን ማቻቶ እኮፐ፡ ናጋራ ኦላባይካ። ወደራታካ አሰና ገሎፐ፡ ናጋራ ኦላባይኩ። ሸን አከትያዋንቶነ ገለትያዋንቶ ኡንቱንቱ ደኡዋን ዋልቃማ መቱ ደኤ። ታን ሀንተንታ ሄ መቱዋፐ አሻናዉ ኮያይ።

29 ሸን ታናዳን አማንያዋንቶ፡ ታን ግያዌ ሀዋ፤ ዋዲ ዉሬዳ። ሀዋፐ ሰንፋዉ አኬዳ አሳቱ፡ አክቤና አሳዳን ሀንኖ።

30 ዬክያዋንቱ ዬከናዋዳን፡ ናሸትያዋንቱ ናሸተናዋዳን፡ ሻምያዋንቱካ ሻሚደ አይነ ባይናዋዳን፡

31 ሀ አላምያ ደኡዋን ማደትያዋንቱ ኡባካ ማደተናዋዳን ሀንኖ። አያዉ ጎፐ፡ ሀ አላምያ ደኡ አትያዋ።

32 ህንተንቱ ህርገናን ደአናዋ ታን ደሳይ። አክቤናዌ ጎዳ ናሽቻናዉ ኮይያ ድራዉ፣ አ ኦሱዋባ ቆፔ።

33 ሽን አኬዳዌ ባረ ማቻቶ ናሽቻናዉ ኮይያ ድራዉ፣ ሳኣባ ቆፔ።

34 አ ቆፋይ ሻከቲዳ። አሰና ገላቤና ወደራታ ባረ አሹዋንን ባረ ሸምቸዋን ጌያናዉ ኮይያ ድራዉ፣ ጎዳ ኦሱዋባ ቆፓዉ። ሽን አሰና ገሌዳዉና ባረ አሰና ናሽቻናዉ ኮይያ ድራዉ፣ ሳኣባ ቆፓዉ።

35 ታን ሀዋ ህንተንታ ማዳና ማላ ጋይፕ አትን፣ ህንተንታ ጭባናዉ ጊከ። ሽን ህንተ በሰያዋዳን ደኢደ፣ ጎዳ ኦሱዋ ህንተና እሚደ ኦላና ማላ ኮያይ።

36 ኦንን ባረ ጊግሴዳ ዋደራቶ አክያ ዋዲ ጋክና፣ ባረና ናጋናዉ አዉ ዳንዳየተናን እጾፕ፣ እዞ አኮ። እ እዞ አኮፕ፣ ሄዋን ናጋራይ ባዋ።

37 ሽን እ ባረ ዋዛናን ምኖፕ፣ እከናን ጋምእና ዳንዳይ። ቃይ ባረና ናጊደ፣ ባረ ጊግሴዳ ዋደራቶ አከናን ጋምእና ጎፕ፣ ኦንን ዋልቃንናን ባረ ዋዛናን ቆፋ ቃቼዳዋ ግደፕ ሎይሌዳ።

38 ሄዋ ድራዉ፣ ዋደራቶ አክያ ኡራይ ሎይሌዳ፣ ቃይ እከናዌ ኡባ አሐ ሎይሌዳ።

39 አሰና ገሌዳ ምሽራታ ባረ አሰናይ ደኤዳ ከናን አናና እትፕ ደአናዳን ቃሸታ ኡታዱ። ሽን እ ሀይቆፕ፣ ጎዳ አማንያ አሳ ኦናን ግደፕ፣ ባረ ደሴዳ አሰና ገላናዉ ዳንዳያዉ።

40 ታ ቆፋ ግደፕ፣ ገላናን ደአንቶ፣ እዛ ናሽቻን ደአና። ቃይ ታናን ጸሳ አያናይ ደእያዋ ታን ኤራይ።

8

ኤቃዉ ያርሽቲዳ ቁማባ

1 ኤቃዉ ያርሽዳ ቁማባ ግደፕ፣ ኦን ኡባይካ ኤራቶ። ኤራይ ኡቶርሴ፤ ሽን ሲቁ አማኑዋን ድቼ።

2 ኦንን ባረዉ እትባ ኤርያዋ ማላቶፕ፣ እ ብር ኤራናዉ በሰያዋ ኤርቤና።

3 ሽን ኦንን ጸሳ ሲቆፕ፣ ጸሳይ አ ኤራ።

4 ሄዋ ድራዉ፣ ኤቃዉ ያርሽዳ ቁማ ሙሳባ ግደፕ፣ ኤቃ ኡባይ አላምያን አያን ግደናዋ፣ እት ጸሳፕ አትን፣ ሀራይ ባይናዋ ኦን ኤራቶ።

5 አያዉ ጎፕ፣ ጮራ ጸሳቲን ጮራ ጎዳቲ ደአና። ሽን ሀራይ አቶ፣ ሳሉዋን ግድና ሳኣን ግድና፣ ጸሳቲዋ ጌተትያዋንቲ ደአፕካ።

6 ኡባባ መጭዳዌ ኑን አዉ ደእያዌ፡ እት ጸሳይ፡ አዉ፡ ኑዉ ደኤ። ቃይ ኡባባይ እን መጠቴዳዌን ኑን እን ደእያዌ እት ጎዳይ፡ የሱስ ክርስቶስካ ኑዉ ደኤ።

7 ሸን ሀ ኤራይ አሳ ኡባዉ ደኤና። እት እት አሳቱ ኤቃ ደዬዳ ድራዉ፡ ሀእ ጋካናዉካ፡ “ኤቃዉ ያርሼዳ ቁማ” ያጊደ ሚና። ቃይ ኡንቱንቱ ዎዛናይ ሹጋ ግዴዳዎን፡ ኡንቱንቶ ሀ ቁማን ቱኔዳዎ ማላቱ።

8 ሸን ቁማይ ኑና ጸሳኮ ሺቃናዳን ማደና። ኑን ማና ጳይንቶካ ኑዉ አይነ ፓጨና፤ ሞጥነ ኑዉ አይነ ጉጀተና።

9 ሸን ሀዌ ህንተ ህንተ ደሶዎዳን ህንያዌ ሹጎ አማኑዎና ደእያዎንታ ናጋራን የገና ማላ ናገትተ።

10 አያዉ ጎጥ፡ ኔን ኤራንቻይ ኤቃዉ ያርሼዳ ቁማ ማናዉ ኤቃ ጎልያን ኡቴዳ ዎደ፡ ሹጎ አማኑዎና ደእያ እት አሳይ ኔና በአጥ፡ ኤቃዉ ያርሼዳ ቁማ እ ማናዉ አ ዎዛናይ ቆጥኔዬ?

11 ሄዎ ግደጥ ሀ ሹጎ አማኑዎና ደእያ ነ እሻይ፡ ክርስቶስ አ ድራዉ ሀይቄዳዌ፡ ነ ኤራን ባዬ።

12 ሀዎዳንካ፡ ህንተ ህንተ እሻቱዎ ናቂያዎን ኡንቱንቱ ሹጎ ዎዛና ማይልያዎን ክርስቶሳ ናቂታ።

13 ሄዎ ድራዉ፡ ቁማይ አማንያ ታ እሻ ጴቢያዎ ግደጥ፡ አ ጴቢና ማላ፡ ታ ደእያ ላይላን ሙላካ እሹዎ ሚከ።

9

የሱስ ኪቴዳዎንቶ ደእያ ማታነ ኡንቱንቱ ኦላናዉ በሰያባ

1 ታን አይለተላይ ባይና አሳ ግድክታ? የሱስ ኪቴዳዎ ግድክታ? ኑ ጎዳ የሱስ ክርስቶሳ በአበይክታ? ህንተንቱ ታን ጎዳዉ ኦሴዳ ታ ኦሱዎጥ ቤቴዳዎንታ ግድክቱዬ?

2 ታን ሀራንቶ የሱስ ኪቴዳዎ ግዳና ጳዮጥካ፡ ህንተንቶ የሱስ ኪቴዳዎ ግድያዌ ኤረቴዳዎ፤ አያዉ ጎጥ፡ ታን ጎዳን የሱስ ኪቴዳዎ ግድያዎ ህንተ ማርካ።

3 ታና ቦርያዎንቶ ታን እምያ ዛሩ ሀዎ።

4 ማናዉን ኡሻናዉ ኑዉ ማት ባዌ?

5 የሱስ ኪቴዳ ሀራቱዎዳንን ጎዳ እሻቱዎዳን፡ ጳጵሮሳዎዳን፡ ኤኖ ግያ ማቻቶ እትጥ አኪደ ባናዉ ኑዉ ማታይ ባዌ?

6 ዎይ ኑ ደኦ ኦሲደ ባጸታናዉ በሰያዌ ታናን ባርናባሳ ጸላሌ?

7 እይ ዋደነ ባረ ሚሻ ሚደ፣ ዋታዳራተላ ኦሎም ኦኔ? ዋይ ዋይንያ ቱራ ቶኪደ፣ ኦ ኦይፍያ ሚናዌ ኦኔ? ዋይ ሚዛ ዉድያ ሄሚደ፣ ሄ ሚዛ ዉድያ ማላ ኡሸናዌ ኦኔ?

8 ታን ሀዋ ኦሳ ቆፋ ጸላላን ጋይታ? ዋይ ህጊ ቃይ ሀዋ ጌኔ?

9 እያዉ ሳፕ፣ ሙሴ ህግያን፣ “ካላ የድያ መህያ ደና ቃቾፓ” ጌተቲደ ጸፈቲዳ። ጸሳይ መህያባ ቆፒደ ሀዋ ጊ?

10 ዋይ እ ሄዋ ግያዌ ሙሊካ ኑ ድራሳ ግደኔ? ቱማካ ኑ ድራዉ ጸፈቲዳ፤ ጎሽያ ብታኒካ ካላ ቡክያ ብታኒካ፣ “ታና ጋክያዋ አካና” ያጊደ ኦላናዉ በሴ።

11 ኑን ህንተ ግደን እያና የዉዋ ዘራዳዋንታ ግዲደ፣ ኑ እሾ ማዶ ግድያዋ ህንተንቱፕ ጫኮፕ ዳርቤ?

12 ሀራቱ ሄዋ ህንተንቱፕ አካናዉ ኡንቱንቶ ማታይ ደአፕ፣ ኑዉ ኡንቱንቱዋፕ አድያ ማታይ ባዌ?

ሸን ኑን ክርሰቶሳ ሞሽራቹዋ ቃላዉ ጴቦ ግደናደን፣ ኡባባ ገንጫያዋፕ አትን፣ ሄ ማታን ጎኤትበይኮ።

13 ጌሻ ጎልያን ኦሎም አሳቱ ባረንቱ ቁማ ጌሻ ጎልያፕ አክያዋ ኤርክቲ? ቃይ ያርሽያሳን ኦሎምንቱ ያርሹዋፕ አክያዋ ኤርክቲ?

14 ሀዋዳንካ፣ ቃይ ሞሽራቹዋ ቃላ ኦድያዋንቱ ባረንቱ ደኦ ኮሽያባ አፕ ደማናደን፣ ጎዳይ አዛዜዳ።

15 ሸን ታን ሀ ማታ ኡባን አይነ ጎኤታበይከ። ታን ሀዋ ጸፊዳዌ ሄዋ ማላ ማታይ ታዉ ደአናዉ በሴ ያግያዋና ግደና። እያዉ ሳፕ፣ ታ ጩቁዋ ኦንነ መላ ከሰያዋፕ ሀይቁያዌ ታዉ ሎኦ።

16 ሞሽራቹዋ ቃላ ኦዳናዉ ታን አዛዘታ ኡቲዳ ድራዉ፣ ኦ ኦደፕካ ታዉ ጩቀትያባይ ባዋ። ሞሽራቹዋ ቃላ ኦደናን አጎፕ፣ ታዉ አየሮ።

17 እያዉ ሳፕ፣ ታን ሀዋ ደሳይ ኦሎፕ፣ ታዉ ዋይታይ ደኤ። ሸን ታን ደሰናን እጸፕካ፣ ሞሽራቹዋ ቃላ ድራዉ ሀዳራ ጸሳይ ታዉ እሚዳ።

18 ያትና፣ ታ ዋይታይ አዬ? ሞሽራቹዋ ቃላ ኦዳደ፣ ታዉ ዋንጋላን ደእያ ኩመንላ ማታን ጎኤተናን፣ ሞሽራቹዋ ቃላ ጮ ኦድያዋ።

19 ታን ኦሰነ አይለ ግድከ ሸን፣ ጮራቱዋ ዛራናዉ ታና ኡባዉ አይለ ከሳድ።

20 ታን አይሁዳቱዋ ዛራናዉ ኡንቱንቱና ኡንቱንታ ግዳደ ደአድ። ታ ሁጳዉ ህግያፕ ጋርሳና ደእከ። ሽን ህግያፕ ጋርሳና ደእያዋንታ ዛራናዉ ህግያፕ ጋርሳና ደእያ አሳ ማላ ግዳድ።

21 ታን ህጊ ባይና አሳቱዋና ደአደ፣ ህጊ ባይና አሳዳን ሀናድ። ጸሳ ህጊ ጳይና ግደና። ሽን ህጊ ባይናዋንታ ዛራናዉ፣ ክርስቶሳ ህግያፕ ጋርሳና ደአድ።

22 ታን አማኑዋን ዳቡርያዋንታ ዛራናዉ፣ ኡንቱንቱ ማላ ግዳድ። ታን አይ ኦግያንን አማሬዳ አሳቱዋ አሻናዉ፣ ኡባ አሳቱዋና ኡባባን ኡንቱንቱ ማላ ግዳድ።

23 ታን ሞሽራቹዋ ቃላ አንጂዋ ሻካናዉ፣ ሞሽራቹዋ ቃላ ድራዉ፣ ኡባባ ኦሳይ።

24 ዋላን ጸናና ጊደ ዋጽያ ኡባይ እትፕ ዋጼ። ሽን እቱዋ ጸላላይ ዋይታ አክያዋ ኤርክቴ? ሀዋዳን ህንተንቱካ ዋይታ አካናዉ ዋጽተ።

25 ካሳዉ ባረና ጊግሰያ ኦንን ኡባባን ባረና ናጌ። አሳይ ሄዋ ዳቡርያዌ ጸኔዳዋ እመትያ ባይያ ካላቻ ደማናሳ። ሽን ኦን ዳቡርያዌ መድናዉ ደእያዋን ባየና ካላቻ ደማናሳ።

26 ሄዋ ድራዉ፣ ታን ቆፍ ባይናን ዋጽያዋዳን ዋጽከ። ጫርኩዋ ይምፕያ አሳዳንካ ጮ ኦለትከ።

27 ሽን ታን ሀራንቶ ኦዴዳዋፕ ጉይያን፣ ታ ሁጳዉ ዋይታፕ አተና ማላ፣ ታ አሳተላ ናገታናዳን ኦሳይ።

10

ኤቃዉ ጎይናናዉ በሰና

1 ሄዋ ቦላን ታናዳን አማንያዋንቶ፣ ታን ህንተ ሀዋ ኤራና ማላ ኮያይ። ኦ አዋቱ ኡባይ ሻርያፕ ጋርሳና ደኤድኖ፤ ኡባይካ አባ ግደና ፕኔድኖ።

2 ኡንቱንቱ ኡባይ ሙሴና እትፕ ግዳናዉ፣ ሻርያንን አባን ጸማቀቴድኖ።

3 ኡንቱንቱ ኡባይ ሄ እት አያና ቁማ ማድኖ።

4 ቃይ ኡባይካ ሄ እት አያና ኡሻ ኡሼድኖ። አያዉ ጎፕ፣ ኡንቱንቱ ባረንታ ካለሰያ አያና ዛላፕ ፑልቶዋ ኡሼድኖ፤ ሄ ዛላይካ ክርስቶሳ።

10:1 ከሳ 13:21-22፤ 14:22-29 10:3 ከሳ 16:35 10:4 ከሳ 17:6፤ ፓይ. 20:11

5 ሽን ጸሳይ ኡንቱንቱፕ ዳርያ ባጋቱዋን ናሽትቤና ድራው፤ ኡንቱንቱ ከሃይ አሳይ ባይና ሳን ላለቱዳ።

6 ኡንቱንቱ ኢታባ አሞቴዳዋዳን፤ ኑ ዋዛናይ ቃይ ኢታባ አሙዋፕ ናገታናዳን፤ ሄዌ ኡባይ ኑዉ ትምርተ ግዴዳ።

7 ጸሳ ማጸፋይ፡ “አሳይ ማናውን ኡሻናው ኡቴድኖ፤ ቃይ ዲሮ ደንድ ኤቄድኖ” ያግያዋዳን፤ ኡንቱንቱፕ እቱ እቱ ኤቃዉ ጎይኔዳዋዳን፤ ሀንተ ጎይኖፕተ።

8 ኡንቱንቱፕ እቱ እቱ ዋሹሜዳዋዳን፤ ኑን ዋሹማናዉ በሰና። ሄዋ ጋሱዋን ኡንቱንቱፕ እት ጋላሰ ላታማን ሄዙ ሻአይ ሀይቄዳ።

9 ኡንቱንቱፕ እቱ እቱ ጎዳ ፓጨደ፤ ሾሻን ዲከት ሀይቄዳዋዳን፤ ኑን ጎዳ ፓጨናዉ በሰና።

10 ኡንቱንቱፕ እቱ እቱ ዙዙምና፤ ዋድያ ኪታንቻን ኡንቱንታ ዳይሴዳዋዳን ዙዙምፕተ።

11 ሀዌ ኡባይ ሀራቶ ትምርተ ግዳናዳን ኡንቱንቱ ቦላ ጋኬዳ። ቃይ ኑና ዋድያ ዉርሰሳይ ጋካና ማቴዳዋንታ ሴራናዉ ጸፈቱዳ።

12 ሄዋ ድራው፡ ምና ኤቃድ ጊደ ቆፕያ ኡራይ ኦንን ኩንድናዳን፤ ባረና ናጎ።

13 ሀንተንታ ጋክያ ፓጨ፡ አሳ ኡባ ጋክያ ፓጭያ ማላፕ አትን፤ አይነ ዲማተና። ሀንተንቱ ዋልቃይ ዳንዳይያዋፕ አድያ ፓጭያን ሀንተ ፓጨታናዉ ኮየና ጸሳይ አማነቴዳዋ። ሽን ሀንተንታ ፓጨ ጋክያ ዋደ፤ ሄ ፓጭያ እ ሀንተንታ ዳንዳይሳና። ቃይ ሄ ፓጭያፕ ሀንተንቱ ከሰያ ኦግያካ እ እማና።

14 ሄዋ ድራው፡ ታ ደሰያዋንቶ፤ ኤቃዉ ጎይኖፕተ።

15 ሀንተንቱ ዋዛናማ አሳ ግዴዳ ድራው፡ ታን ሀንተንቶ ኦዳይ። ታን ግያዋ ሀንተ ፕርድተ።

16 ኑን ጸሳ ጋላቲደ ሻክያ አንጂዋ ጸአይ ክርሰቶሳ ሱፋና እትፕተላይ ደእያዋ ግደኔ? ቃይ ኑን ሙንሐያ ኡክላይ ክርሰቶሳ አሹዋና እትፕተላይ ደእያዋ ግደኔ?

17 እት ኡክላይ ደእያ ድራው፡ ኑን ጮራ ግደፕካ፡ እት አሳተላ። አያዉ ጎፕ፡ ኑን ኡባይካ ሄ እት ኡክላ ሻከቱቶ።

18 እሰራኤልያ አሳ ጴልተ። ያርሹዋ ምያዋንቱ ያርሽያሳና እትፕተላይ ደእያዋንታ ግድክና?

19 ሰም ታን ዋጋይታ? ኤቃዉ ያርሽቴዳ ቁማይ ማዲ ዋይ ኤቃይ ማዲ?

10:5 ገይ. 14:29-30 10:6 ገይ. 11:4 10:7 ከሳ 32:6 10:8 ገይ. 25:1-18 10:10 ገይ. 16:41-49 10:18 ዋጋ 7:6

20 ማደና፤ ሸን ታን ግያዌ ጸሳ አማነና አሳቱ ኢታ አያናቶ ያርሽያዎፕ አትን። ጸሳዉ ያርሽክኖ። ኢታ አያናቱዎና ህንተ እትፕ ዙፕታና ማላ። ታን ኮይከ።

21 ጎዳ ጹኣፕ ኡሺደ ቃይ ኢታ አያናቱዎ ጹኣፕ ኡሻናዉ ህንተ ዳንዳይክታ። ጎዳ ጋይታፕ ህንተ ግሸቲደ ቃይ ኢታ አያናቱዎ ጋይታፕ ማናዉ ዳንዳይክታ።

22 ሄዎ ኦሊደ ኩን ጎዳና ጸኖታናዉ ኮሺ? ኩን አፕ ሞኔቶ?

23 ህንተፕ እቱ እቱ። “ኡባባ ኦላናዉ ታና ድግያባይ ባዎ”፤ ሸን ኡባባይ ማደና። “ኡባባ ኦላናዉ ድግያባይ ባዎ፤ ሸን ኡባባይ ፔሸና” ያጊኖ።

24 ኦንነ ሀራ አሳ ማድያባ ቆፖፕ አትን። ሀራይ አቶ እቱነ ባረና ማድያባ ቆፖፕ።

25 ገያን አጻረ ታራን ዛልኤትያ አሹዎ ህንተ ዎዛና ቆፋን። አይነ ሰፍን ሚተ።

26 አያዉ ጎፕ። አላሚነ አን ደአያባይ ኡባይ ጎዳባ።

27 እት አማነና አሳይ ህንተንታ እማላ ኦል ሾባናዉ ጸሰና ባናዉ ኮዮፕ። ህንተ ዎዛና ቆፋን። አይነ ሰፍን ህንተ ሰንላ እ አልያባ ኡባ ሚተ።

28 ሸን እት ኡራይ ህንተንቶ። “ሀዌ ኤቃዉ ያርሺዳዎ” ጎፕ። ሄ ህንተንቶ ኦዴዳ ብታንያ ድራዉነ ቃይ ህንተ ዎዛና ቆፋ ድራዉ። ሄ ቁማ ሞፕተ።

29 ታን ግያዌ ነ ዎዛና ቆፋ ድራሳ ግደና፤ ሸን የኮ ብታንያ ዎዛና ቆፋ ድራሳ።

ታን ታ ሀናናዉ ዳንዳይያ ታ ሀኖታ ሀራ አሳ ዎዛናይ አያዉ ፕርዲ?

30 ታን ጸሳ ጋላታደ ቁማ ሞፕ። ጸሳ ጋላታደ ሜዳ ቁማዉ አያዉ ቦረታይታ?

31 ሰሞ ህንተ አያነ ሞፕ። ዎይ አያነ ኡሾፕ። ዎይ ህንተ አያነ ኦላፕ። ኡባባ ጸሳ ቦንቾ ኦልተ።

32 ህንተንቱ አይሁዳ አሳቶ ዎይ ግሪከ አሳቶ ዎይ ጸሳ አማንያዎንቶ ጱቦ ግደፕተ።

33 ታን ቃይ ጮራቱ አታና ማላ። ኡንቱንቱ ኡባ ማደናዳንፕ አትን። ታ ሁጳዉ ማዲዎ ኮየናን። አሳ ኡባ ኡባባን ናሽቶያዎዳን። ህንተንቱካ ሄዎዳ ኦልተ።

11

1 ታን ክርስቶሳ ሌምሱዋ ካልያዋዳን፤ ህንተንቱካ ታዋ ካልተ።

አሳይ እትፕ ዋሲያ ዋደ ደእናዉ በሰያ ዎጋ

2 ታናዳን አማንያዋንቶ፤ ህንተ ኡባባን ታና ሀሳይያ ድራዉ፤ ዎጋ ታን ህንተንቶ እሜዳዋዳን፤ ህንተ ሞንሲደ ናግያ ድራዉ፤ ህንተንታ ጋላታይ።

3 ሸን ክርስቶሰ አቱማዋ ኡባዉ ሁጳ ግድያዋ፤ አቱማ አሳይ ማጫ አሳዉ ሁጳ ግድያዋን ቃይ ጸሳይ ክርስቶሳዉ ሁጳ ግድያዋ ህንተ ኤራና ማላ ኮያይ።

4 ጸሳ ዋሲደ፤ ዋይ ትምቢትያ ኦዲደ፤ ባረ ሁጲያ ጎዘያ አቱማ አሳይ ኡባይ ክርስቶሳ ቶቼ።

5 ቃይ ጸሳ ዋሳደ ዋይ ትምቢትያ ኦዲደ፤ ባረ ሁጲያ ጎዘና ማጫዉና ባረ አሰና ቶቻዉ፤ አያዉ ጎፕ፤ እዛ ባረ ሁጲያ ሜደታ ድጎና እት ማላ።

6 ማጫዉና ባረ ሁጲያ ጎዘና ቆዮፕ፤ ቃንጽሱ። ሸን እዛ ባረ ሁጲያ ቃንጽሳናዌ ዋይ ሜድሳናዌ ፖኮፕ፤ ባረ ሁጲያ ጎዘ።

7 አቱማዌ ጸሳ ሌምሱዋን ቦንቼዋ ግድያ ድራዉ፤ ባረ ሁጲያ ጎዘናዉ በሰና፤ ሸን ማጫዉና አቱማዋ ቦንቾ።

8 አያዉ ጎፕ፤ ማጫዉና አቱማዋፕ ቤታዲፕ አትን፤ አቱማዌ ማጫዉንፕ ቤትቤና።

9 አያዉ ጎፕ፤ ማጫዉና አቱማዋ ድራዉ መፍታዲፕ አትን፤ አቱማዌ ማጫዉን ድራዉ መፍታቤና።

10 ሄዋ ድራዉ፤ ማጫዉና ባረ አሰና አይሱዋፕ ጋርሳና ደእያዋ ኤርሳናዉን ኪታንቻቱዋ ድራዉ፤ እዝ ሁጲያን ጎዘያባይ ደእናዉ በሴ።

11 ሸን ጎደን ማጫዉና አቱማዌ ባይናን ደኡኩ፤ አቱማዌካ ማጫዉና ባይናን ደኤና።

12 አያዉ ጎፕ፤ ማጫዉና አቱማዋፕ መፍታዳዋዳን፤ ቃይ አቱማዌካ ማጫዉንፕ የለቲዳ። ቃይ ኡባባይካ ጸሳፕ ዬ።

13 ህንተንቱ ህንተ ሁጳዉ ፕርድተ። ማጫዉና ባረ ሁጲያ ጎዘናን ጸሳ ዋሳናዉ በሲ?

14-15 አቱማዌ ባረ ሁጲያ ድቾፕ፤ አዉ ፖኮ። ሸን ማጫዉና ባረ ሁጲያ ድቾፕ፤ እዝዉ ቦንቾ ግድያዋ ሀራይ አቶ፤ መፍታንቶን

ህንተንታ ታማርሰኔ? አያው ጎጥ፡ ማጫውን ሁጲ እዞ ካማናው እዝው እመቲዳ።

16 ሸን ኦንነ ሀ የወዋን ፓሉመታናው ኮዮፕ፡ ኑዉ ግድና ዋይ ጸሳ አማንያዋንቶ ግድናካ፡ ሀዋፕ ሀራ ዋጋይ ባዋ።

ጎዳ ካወዋ እክያ ዋጋ

(ማቶሳ 26:26-29፤ ማር. 14:22-25፤ ሉቃሳ 22:14-20)

17 ህንተ ሸቅያዌ ኢታባሳፕ አትን፡ ሎኦባሳ ግድና ድራዉ፡ ታን ሀ እዛዙዋ እማደ ህንተንታ ጋላትከ።

18 ሸን ህንተ ዋሳ ጎለን ሸቅያ ዋደ፡ ህንተ ግድን ጸልቀላይ ደእያዋ ታን ሰሳይ። ቃይ ሄዌ እት ባጋና ቱማ ግድያዋ አማናይ።

19 አያው ጎጥ፡ ህንተ ማታን አማነቴዳዋንቱ ቆንጭ ኤረታና ማላ፡ ህንተ ግድንካ ቃይ ሻኩ ደአናዉ በሴ።

20 ሄዋ ድራዉ፡ ህንተ እትፕ ሸቅያ ዋደ፡ ህንተ ሸቁ ጎዳ ካወዋ ማናሳ ግድና።

21 አያው ጎጥ፡ ህንተ ቁማ ሞያ ዋደ፡ ኡባይ ሁጲያን ሁጲያን ባረዋ ባረዋ ሞያ ድራዉ፡ እቱ ኮሻቴ፤ እቱ ቃይ ማሉቴ።

22 ማናዉን ኡሻናዉ ህንተንቶ ጎሊ ባዌ? ዋይ ጸሳ ዋሳ ጎልያ ካጳቴ? ቃይ አይነ ባይናዋንታ ዬላዪቴ? ታን ህንተንታ ዋጎ? ሀ የወዋን ታን ህንተንታ ጋላቶ? ጋላትከ።

23 አያው ጎጥ፡ ታን ቃይ ህንተንቶ እሜዳ ትምርትያ ጎዳፕ አካድ። ጎዳ የሱሰ ኡንቴንቱ አ አሊደ እሜዳ ቃማ ዳቡዋ አኪደ።

24 ጸሳ ጋላቴዳ፤ ዳቡዋ መንሊደ፡ “ሄይተ፤ ሚተ። ሀዌ ህንተ ግሻታዉ ባረና እሜዳ ታ አሹዋ። ሀዋን ታና ቆፕተ” ያጌዳ።

25 ሀዋዳንካ፡ ካወዋ ሚደ ሰምና፡ ጸኣ ቃይ አኪደ፡ “ሀዌ ጸኣይ ታ ሱላን ታን ጫቄዳ ኦራላ ጫቄዋ። ህንተንቱ አፕ ኡሹዳ ዋደ ኡባን ሄዋን ታና ቆፕተ” ያጌዳ።

26 አያው ጎጥ፡ ህንተ ሀ ዳቡዋ ሜዳ ዋደ ኡባን ሀ ጸኣፕ ኡሹዳ ዋደ ኡባን ጎዳይ ያና ጋካናዉካ፡ አ ሀይቁዋ ኡዲታ።

27 ሄዋ ድራዉ፡ በሰናን ደኢደ ጎዳ ዳቡዋ ሞያዋ፡ ዋይ ጎዳ ጸኣፕ ኡሹያዌ ኦንነ አ አሹዋን አ ሱላ አጮቴ።

28 ሸን አሳይ ባረ ሁጲያ ፓጮ። ያቴደ ዳቡዋ ሞ። ጸኣፕካ ኡሹ።

11:23 ማቶሳ 26:26-28፤ ማር. 14:22-24፤ ሉቃሳ 22:19፣ 20 11:25 ከሳ 24:6-8፤ ኤር. 31:31-34

- 29 እያው ጎጥ፣ ጎዳ አሹዋ ሻኪደ ኤረናን ዳቡዋ ምያዌን ጸ-አጥካ ኡሽያዌ ባረ ሁጶዋ ፕርዳ ሜኔ ኡሼ።
- 30 ሄዋ ድራው፣ ህንተ ግደን ጮራቱ ዳቡራንቻን ሀርጋንቻ ግዴድኖ፤ ቃይ ኡንደኔዳዋንቱ ሀይቄድኖ።
- 31 ሸን ኑን ኑ ሁጲያ ቱሙ ፓጩደንቶ፣ ጸሳይ ኑና ፕርደና።
- 32 ኑን ፕርደትያ ዋደ፣ ሀ አላምያና እትፕ ፕርደተና ማላ፣ ጎዳይ ኑና ሴራ።
- 33 ሄዋ ድራው፣ ታናዳን አማንያዋንቶ፣ ጎዳ ካወዋ ማናው ህንተ ሺቅያ ዋደ፣ እቱ እቱዋ ናግተ።
- 34 ኡን ኮሻቲዳዋ ግደፕ፣ እትፕ ሺቅያ ዋደ ጸሳ ፕርደን ህንተ ገላና ማላ፣ ባረ ሶይን ሞ።
አቲዳዋ ታን ያ ባደ ገግሳና።

12

ጌሻ አያና እሞታቱዋ

- 1 ታናዳን አማንያዋንቶ፣ ጌሻ አያና እሞታታ ህንተ ኤራናው ኮያይ።
- 2 ህንተንቱ ጸሳ አማነና ዋደ፣ ኡባ ዋደ ካልያዋዳንካ፣ ሃሳየና ኤቃቱዋኮ ህንተ ቤዳዋ ኤሪታ።
- 3 ሄዋ ድራው፣ ጸሳ አያናይ ካለልያ አሳይ ኮንነ፣ “የሱስ ሸቀቶ” ያገደ ሃሳየናዋን ቃይ ጌሻ አያናይ ካለልፕፕ አትን፣ ሀራይ አቶ እት አሳይነ፣ “የሱስ ጎዳ” ጋናው ዳንዳየናዋ ታን ህንተንታ ኤርሳይ።
- 4 አያና እሞታይ ዲማ ዲማ፤ ሸን እምያ አያናይ እቱዋ።
- 5 ቃይ ኦልያ ኦሱ ዲማ ዲማ፤ ሸን ጎዳይ እቱዋ።
- 6 ኦሱዋ ኦሳናው ዲማ ዲማ ኦጊ ደእሸን፣ ሄ ኦልያ ኦግያ ኡባ አሳ ኡባው ቆንጭሰያ ጸሳይ እቱዋ።
- 7 ሸን አሳ ኡባ ማዳናው፣ ጌሻ አያና ቆንጭሰያ ዋልቃይ ኡባው ሁጲያን ሁጲያን እሙቲዳ።
- 8 እያው ጎጥ፣ ጌሻ አያናይ እቶ አጵ ኤራተላ ሃሳያ እሜዳ፤ ቃይ እቶ ኤራተላ ሃሳያ እሜዳ።
- 9 ሄ ጌሻ አያናይ እቶ አማኑዋ እሚደ፣ የኮ ሀርጋንቻ ፓልያ ዋልቃ እሜዳ።
- 10 ጌሻ አያናይ እቶ ማላታ ኦልያ ዋልቃ እሚደ፣ እቶ ትምቢትያ ኦድያ ዋልቃ እሜዳ። እቶ አያናቱዋ ግዲዋን ደእያ ዲማተላ ኤርያ

ዎልቃ እሚደ፡ እቶ ዲማ ዲማ ቃላን ሃሳይያ ዎልቃ እሚዳ። ቃይ እቶ ዲማ ዲማ ቃላን ሃሳይዳዎ ብልያ ዎልቃ እሚዳ

11 ሸን ሀ ኡባባ ኦልያዌ ሄ እት ጌሻ አያና። አሳ ኡባዉ እ ባረ ኮይያዎዳን፡ ዲማ ዲማ እሞታ ሻክ ሻኪደ እሚዳ።

እት ቦላን ደእያ ዲማ ዲማ አሳተላቱዎ

12 ክርሰቶሰ ጮራ አሳተላቱ ደእያ እት ቦላ ማላ። ቦላይ ጮራ አሳተላቱዎፕ ሙቴዳዎ ግደፕካ፡ እት ቦላ።

13 አያዉ ጎፕ፡ ኑን አይሁዳ አሳ ግደፕካ ዎይ ግሪክ አሳ ግደፕ፡ ዎይ አይለ ግደፕካ ዎይ ዎማኖ ግደፕ፡ ኡባይ እት ጌሻ አያናን እት ቦላ ግዳናዉ ጸማቀቴደ። ቃይ ኑን ኡባይ እት ጌሻ አያና ኡሼደ።

14 አያዉ ጎፕ፡ ቦላዉ አሳተላይ ጮራ ግድያዎፕ አትን፡ እቱዎ ግደና።

15 ገዲ፡ “ታን ኩሽያ ግደና ድራዉ፡ ቦላ ቆሞ ግድከ” ጎፕ፡ እ ሄዎ ግያዌ ቦላ ቆሞ ግድያዎ ድጋኔ?

16 ሀይላይካ፡ “ታን አይፍያ ግደና ድራዉ፡ ቦላ ቆሞ ግድከ” ጎፕ፡ እ ሄዎ ግያዌ ቦላ ቆሞ ግድያዎ ድጋኔ?

17 ቦላይ ኡባይ አይፍያ ጸላላ ግድንቶ፡ ዎቲደ ሰሳናዉ ዳንዳዪ? ቃይ ቦላይ ኡባይ ሀይላ ጸላላ ግድንቶ፡ ዎቲደ ሰንጋናዉ ዳንዳዪ?

18 ሸን ጸሳይ ባረ ኮይዳዎዳን፡ ቦላ አሳተላቱዎ እቱዎ እቱዎ ቦላን ዎሴዳ።

19 ኡባይ እት ቆሞ ግድንቶ፡ ቦላይ ሀቃን ደእኔ?

20 ሸን አሳተላቱ ጮራ ግደፕካ፡ ቦላይ እቱዎ።

21 አይፊ ኩሽያ፡ “ኔን ታና ኮሻካ” ጋናዉ ዳንዳየና። ዎይ ቃይ ሁጺ ገዳቱዎ፡ “ሀንተንቱ ታና ኮሽክታ” ጋናዉ ዳንዳየና።

22 ሸን ላፋ ማላትያ ቦላ አሳተላቱ ሎይሌ ኮሽያዎንታ።

23 ቦላ አሳተላቱዎፕ ቦንቼተናዎንታ ኑዉ ማላትያዎንታ ኑን ሎይሌ ቦንቼቶ። ቃይ ኑና ዬላይያ ቦላ አሳተላቱዎካ ሎይሌ ቦንቼቶ።

24 ኑ ቦላፕ ቤትያ ባጋዉ ማዩ ኮሸና፤ ሸን ፖክያ ባጋ አሳተላቱዎ ሎይሌ ማይዛናዳን፡ ጸሳይ አሳተላ እትፕ ጋሴዳ።

25 ቦላ አሳተላቱ እቱ እቶ እት ማላ ቆፋ ቆፓናፕ አትን፡ ቦላን ዲማተላይ ደእናዉ በሰና።

12:12 ሮሞ 12:4-5

26 ቦላ አሳተፋቱዋፕ እቱ ሴለቶፕ፣ ቦላ አሳተፋቱ ኡባይካ አናና ሴለቲኖ፤ ቦላ አሳተፋቱዋፕ እቱ ቦንቼቶፕ፣ ቦላ አሳተፋቱ ኡባይ አናና ናሽቲኖ።

27 ህንተንቱ ኡባይ ክርሰቶሳ ቦላ፤ ቃይ ሁጲያን ሁጲያን ህንተ ኡባይካ አ ቦላ አሳተፋቱዋ።

28 ጸሳይ ዋሳ ጎለን እት እት አሳቱዋ፣ ኮይሩዋን የሱሰ ኪቴዳዋንታ፣ ላኤንሱዋን ናባቱዋ፣ ሄዘንሱዋን ታማርሰያዋንታ፣ ሄዋፕ ጉይያን፣ ማላታ አሳያዋንታ፣ ሄዋፕ ጉይያን፣ ፓሳያ ዋልቃይ ደእያዋንታ፣ ማድያዋንታ፣ ዋሳ ጎልያ አይሰያዋንታ ዲማ ዲማ ቃላን ሃሳይያዋንታ ኦሴዳ።

29 ኡባቱ የሱሰ ኪቴዳዋንቱ? ኡባቱ ናባቱ? ኡባቱ ታማርሰያዋንቱ? ኡባቱ ማላታ አሴኖ?

30 ኡባዉ ፓሳያ ዋልቃይ ደኢ? ኡባቱ ዲማ ዲማ ቃላን ሃሳዪኖ? ቃይ ዲማ ዲማ ቃላን ሃሳዬዳዋ ኡባቱ ብለኖ?

31 ሸን ኡባፕ አድያ እሞታ ሎይሳ ኮይተ።
ቃይ ኡባፕ ሎይሳ አድያ ኦግያ ታን ህንተንታ በሳና።

13

ቱሙ ሲቁዋ

1 ታን አሳ ቃላን ኪታንቻ ቃላን ሃሳዮፕካ ታዉ ሲቁ ጳዮፕ፣ ታ ሃሳያይ ጮ ዋሰያ ዳዋላ ማላ፤ ዋይ ቆልጫካትያ ጽናጽልያ ማላ።

2 ናበተላ እሞታይ ታዉ ደአፕካ፣ ታን ጌሜዳ የዉዋ ኡባን ኡራተላ ኡባ ኤርንቶካ፣ ቃይ ደርያ ደንሳ ድግያ አማኑ ታዉ ደአፕካ፣ ሲቁ ጳዮፕ፣ ታን አያን ግድከ።

3 ታዉ ደእያዋ ኡባ ህዬሳቱዋ ምዛናዉ እምንቶካ ሀራይ አቶ፣ ታ ቦላ ታማን ጉዳናዉ አላ እምንቶካ ሲቁ ጳዮፕ፣ ታና አይነ ማደና።

4 ሲቁ ዳንዳያንቻ። ሲቁ ኬኬ። ሲቁ ቃናተና። ጨቀተና፤ ቃይ አቶረተና።

5 ሲቁ ባረዉ በሰናዋ አፍ፤ ኡዜተና፤ ይሎተና፤ ሲቁ ናቀቴዳዋካ ፓይደና።

6 ሲቁ ቱማተላን ናሽትያዋፕ አትን፣ ዋርዲዋን ናሽተና።

7 ሲቁ ኡባባ ዳንዳዬ። ኡባባይካ ሀናናዋ ጊደ፣ ናሽቻን ናጌ። ኡባባን ገንጬ።

12:28 ኤፈ. 4:11 13:2 ማቶሳ 17:20፤ 21:21፤ ማር. 11:23

8 ሲቁ ሙለካ ጳየና። ሽን ናበተላይካ አታና። ዲማ ዲማ ቃላን ሃሳይያዌካ አታና። ኤራተላይካ ጳየና።

9 እያዉ ጎፐ፣ ኑን ኤራተላፐፐ ፓጫ ኤራቶ፤ ትምቢትያፐፐፐ ፓጫ ኦዴቶ።

10 ሽን ኩሙንላ ግዴዳዌ ይያ ዎደ፣ ፓጫይ ጳየና።

11 ታን ናአተላን ደእያ ዎደ፣ ናኣዳን ሃሳያይ። ናኣዳን ቆፓይ። ቃይ ናኣዳንካ እኩካይ። ዎዳላ ግዴዳ ዎደ፣ ናአተላ ሀኑዎ አጋድ።

12 ኑን ሀእ በእያዌ ማሰቶትያን በእያ ለምእ ለምእያ ማላ ማላ፤ ሽን ሄ ዎደ ኑን ኑ አይፍያን ቆንጭያን በአና። ሀእ ታን ኤራተላፐፐ ፓጫ ኤራይ፤ ሽን ጸሳይ ታና ዉርሲደ ኤርያዎዳን፣ ሄ ዎደ ታንካ ዉርሳ ኤራና።

13 ሽን ሄዎ ግዶፐ፣ አማኑ፣ ሀናናዎ ጊደ ናሽቻን ናግያዌን ሲቁ፣ ሀዋንቱ ሄዛቱ ምኒደ ደአኖ። ሀዋንቱፐ አድያዌ ሲቁዎ።

14

ጌሻ እያና እዎታን ኡንቱንቱ ማዲዎ

1 ሲቁዎ ካልተ። እያና እዎታካ ሎይሐ ኮይተ። ሽን ኡባፐ አሊደ፣ ናበተላ ኮይተ።

2 እያዉ ጎፐ፣ ዲማ ዲማ ቃላን ሃሳይያ ኡራይ ጸሳዉ ሃሳይፐ አትን፣ አሳዉ ሃሳየና። እያዉ ጎፐ፣ እ ሃሳይያዎ ኡንን እኩከና። ሽን አሳዉ ቆንጭቤና የዉዎ እያና ዎልቃን ሃሳዬ።

3 ሽን ናቢ አሳ ማዳናዉ፣ ዞራናዉን ምንሳናዉ አሳዉ ሃሳዬ።

4 ዲማ ዲማ ቃላን ሃሳይያ ኡራይ ባረና ማዴ። ሽን ናቢ ዎሳ ጎልያ ማዴ።

5 ሀንተንቱ ኡባይ ዲማ ዲማ ቃላን ሀሳናናዎ ታን ደሳይ። ሽን ናበተላ ሄዎፐ አላደ ደሳይ። እያዉ ጎፐ፣ ዲማ ዲማ ቃላን ሃሳይያዌ ሄ ሃሳዬዳዎ ዎሳ ጎልያ ማዳናዉ ብልያ አሳይ ጳዮፐ፣ ዲማ ዲማ ቃላን ሃሳይያዎፐ ናበተላይ አዴ።

6 ሽን ታናዳን አማንያዎንቶ፣ ሀእ ታን ሀንተንቱኮ ባደ፣ ዲማ ዲማ ቃላን ሃሳያደ፣ ሳጸን ዎይ ኤራተላን ዎይ ናበተላን ዎይ ታማርሰያዎን ሀንተንቶ ኦዳና ጳዮፐ፣ ታን ሀንተንታ እያ ማዳይታ?

7 ሀራይ አቶ፣ ሽምፑ ባይናባይ ሱሱልያ ግድና ዎይ ዲላ ግድና ካእደ፣ ባረ ካሳ ዲማተላ ኤርሳና ጳዮፐ፣ ሱሱልያ ፑናፐን፣ ዎይ ዲላ ዲጸፐ፣ አሳይ ዎቲደ ኤራኔ?

8 ቃይ ጸራምባ ዋሱ ሎይሐ ኤረታና ጳዮፐ፣ ኦላዉ ኦኔ ገገታናዌ?

9 ሀዋዳንካ፡ ቃይ ዲማ ዲማ ቃላን ህንተ ሃሳይያዌ ቆንጨ ግደናን ቆሮፕ፡ ህንተ ሃሳይያዌ አሳይ ዋት አኬካኔ? አያው ጎፕ፡ ጨርኮ ህንተ ሃሳይያዌ።

10 ሀ አላምያን ጮራ ቃላይ ደኤ፤ ሸን ብለላይ ባይና ቃላይ እቱነ ባዋ።

11 ሸን እት አሳይ ሃሳይያ ቃላ ታን ኤራና ቆሮፕ፡ ሄ ሃሳይያዌ ታው እማላ ግዴ፤ ታንካ እዉ እማላ ግዴይ።

12 ሀዋዳንካ፡ ቃይ ጌሻ አያና እሞታ ህንተ አካናዉ ሎይሳ ኮይያዋንታ ግድያ ድራዉ፡ ዋሳ ጎልያ ድቻናዉ ማዳዋ ኡባባፕ አሊደ ኮይተ።

13 ሄዋ ድራዉ፡ ዲማ ዲማ ቃላን ሃሳይያዌ ባረ ሃሳይያዋ ብላናዉ ዳንዲያና ማላ፡ ጸሳ ዋሶ።

14 አያው ጎፕ፡ ታን ዲማ ዲማ ቃላን ጸሳ ዋሶፕ፡ ታ አያናይካ ዋሴ፤ ሸን ታ ጋርሳ ቆፋይ አይነ ጎኤተና።

15 ያትና፡ ታን ዋቶ? ታን ታ አያናን ጸሳ ዋሳና፤ ቃይ ታ ቆፋንካ ጸሳ ዋሳና። ታ አያናን የጻና፤ ቃይ ታ ቆፋንካ የጻና።

16 ሄዋ ግዳና ቆሮፕ፡ ኔን ነ አያና ጸላላን ጸሳ ጋላትያዋ ግዶፕ፡ ሄ ሳኣን ኔን ግያዋ ኤረና አሳይ ኔን ጸሳ ጋላትያዋ ኤረናን፡ ኔን ጋላቱዳዋን ዋቲዶ፡ “አመንእ” ጋኔ?

17 ኔን ጸሳ ጋላትያዋ ሎአ፤ ሸን ሄዌ የኮ ብታንያ ማደና።

18 ታን ዲማ ዲማ ቃላን ህንተ ኡባፕ አላደ ሃሳይያ ድራዉ፡ ጸሳ ጋላታይ።

19 ሸን ታን ዋሳ ጎሊን ሀራቱዋ ታማርሳናዉ ዲማ ዲማ ቃላን ታሙ ሻእ ቃላቱዋ ሃሳይያዋፕ እቼሹ ቃላቱዋ ታ ዋዛና ቆፋን ሃሳይያናዉ ደሳይ።

20 ታናዳን አማንያዋንቶ፡ ህንተ ኢታ የዉዋን ጉላ ናና ማላ ግዳናፕ አትን፡ ቆፋን ጉላ ናና ማላ ግዶፕተ፤ ህንተ ጋርሳ ቆፋን ዋዛናማቱዋ ግድተ።

21 ጸሳ ማጸጻን፡

“ጎዳይ፡ ታን ሀ አሳዉ፡

ዲማ ዲማ ቃላን ሃሳይያ አሳንነ፡

እማላቱዋ ደናን ሃሳይያ፡፡

ሸን ሄዋንካ፡

ታን ግያዋ ኡንቱንቱ ሰሰክኖ ያጌ”

ጌተቲደ ጸፈቱዳ።

14:21 እሳ. 28:11-12

22 ስም ዲማ ዲማ ቃላን ሃሳይያዌ አማኒናዋንቶ ማላታ ግድያዋጥ አትን፤ አማኒያዋንቶ ማላታ ግድና። ቃይ ናባቱዋጥ ሃሳየትያዌ አማኒያዋንቶ ማላታ ግድያዋጥ አትን፤ አማኒናዋንቶ ማላታ ግድና።

23 ሄዋ ድራው፡ አማኒያ አሳይ ኡባይ እትጥ ሺቋደ፤ ቃይ ኡባይካ ዲማ ዲማ ቃላን ሃሳየጥ፤ ታማርቤና አሳይ ዋይ አማኒና አሳይ ገሊደ፤ ህንተንታ ኡባ፤ “ሳዪታ” ጌጌ?

24 ሸን ታማርቤና አሳይ ዋይ አማኒና አሳይ ዋሳ ጎለ ገልያ ዋደ፤ አሳይ ኡባይ ትምቢትያ ኦድጥ፤ እ ባረ ሰሰያዋን ባረ ናጋራ አኬኬ። ቃይ ሄ ሰሴዳባ ኡባንካ እ ፕርደታና።

25 አ ዋዛናን ጌሜዳ ቆፋይካ ቆንጫና። ሀዋዳንካ ቃይ፤ “ጸሳይ ቱሙ ህንተ ግድን ደኤ” ያገደ ማርካቲደ፤ ጉፋኒደ ጸሳው ጎይናና።

አሳይ እትጥ ዋሰያ ዋደ ደአናው በሰያ ዋጋ

26 ስም ታናዳን አማኒያዋንቶ፤ አዬ? ህንተንቱ እትጥ ሺቅያ ዋደ፤ ሁጲያን ሁጲያን፤ እቶ ማዝሙሪ ደኤ፤ እቶ ታማርሰያዌ ደኤ፤ እቶ ሳጳይ ደኤ፤ ቃይ እቶ ዲማ ዲማ ቃላን ሃሳይያዌ ደኤ፤ እቶ ብለያዌ ደኤ። ኡባይካ ዋሳ ጎልያ ማድያዋ ግድናው በሴ።

27 ኦንኒ ዲማ ዲማ ቃላን ሃሳየጥ፤ ላኡ ግዲደ፤ ዋይ ዳርጥ ሄዙ ግዲደ፤ ካላን ካላን ሃሳያናው በሴ። ቃይ ሀራ እቱ ኡንቱንቱ ሃሳዬዳዋ ብሎ።

28 ሸን ብለያ አሳይ ቆጥጥ፤ ዲማ ዲማ ቃላን ሃሳይያዌ ዋሳ ጎልያን ጮኡ ጎ። ባረ ሁጲውን ጸሳው ሃሳየ።

29 ናባቱካ ላኡ ግዲደ ዋይ ሄዙ ግዲደ ሃሳይና። ቃይ ሀራንቱ ኡንቱንቱ ግያዋ ሻክና።

30 ሸን ጸሳይ ሄ ሳኦን ኡቱዳ ሀራው እትባ ቆንጫሶጥ፤ ካሰና ሃሳይያዌ ጮኡ ጎ።

31 አያው ጎጥ፤ ኡባይ ታማራና ማላን ኡባይ ሞናና ማላ፤ ካላን ካላን ትምቢትያ ኦድናው ዳንዳዪታ።

32 ትምቢትያ ኦድያዋንቱ እሞታይ ኡንቱንቶ አዛዘቱ።

33 አያው ጎጥ፤ ጸሳይ ሳርተላ ጸሳጥ አትን፤ ጫቡዋ ጸሳ ግድና።

ጌሻቱ ዋሳ ጎለቱዋ ኡባን፤

34 ማጫዋንቱ ሸቁዋ ጋርሳን ጮኡ ጊና። አያው ጎጥ፤ አይሁዳቱዋ ህገ ግያዋዳንካ ኡንቱንቱ ሞደታናጥ አትን፤ ሸቁዋ ጋርሳን ሃሳያናው ኡንቱንቶ ማት ባዋ።

- 35 ማጫዋንቱ ሽቆዋ ጋርሳን ሃሳይያዌ ፖኮ ግድያ ድራው፤ አየንቶ ኤራናው ኮዮፕን ሶይን ባረንቱ አሰና ኦቶኖ።
- 36 ጸሳ ቃላይ ኮይሮ ህንተፕ ዬዳ? ዋይ ህንተ ጸላላኮ ዬዳ?
- 37 ኦንን ባረና ናብያ ዋይ ጸሳ አያናይ ደእያ አሳ ያጊደ ቆፖፕ፤ ታን ህንተንቶ ጸፍያዌ ጎዳ አዛዙዋ ግድያዋ አኬኮ።
- 38 ሸን ኦንን አኬካና ጳዮፕ፤ አኬኮፖ ባሽ አጎ።
- 39 ሄዋ ድራው፤ ታናዳን አማንያዋንቶ፤ ትምቢትያ ኦዳናው ሎይል አሞትተ። ቃይ ዲማ ዲማ ቃላን ሃሳይያዋካ ድጎፕተ።
- 40 ሸን ኡባባይካ ዋጋንን ማራን ሆኖ።

15

ክርስቶስ ሀይቁዋፕ ደንዴዳባ

- 1 ታናዳን አማንያዋንቶ፤ ታን ህንተንቶ ኦዳዳ ሞሽራቹዋ ቃላ ህንተ አኬዳዋን ቃይ ህንተ አማኑ እን ኤቄዳዋ ህንተንታ ቆፈላይ።
- 2 ህንተንቱ አማኑ መላ ግዳና ጳዮፕ፤ ቃይ ታን ህንተንቶ ኦዳዳ ቃላ ሎይል ኦይቆፕ፤ ህንተ ሄ ሞሽራቹዋ ቃላን አቴድታ።
- 3 አያው ጎፕ፤ ታን ቃይ አኬዳዋ ኡባባፕ አጲደ ኮሽያዋ ካስታደ ህንተንቶ አማድ። ሄዌ አዬ ጎፕ፤ ጸሳ ማጸፋይ ግያዋዳን፤ ክርስቶስ ኑ ናጋራ ድራው
- 4 ሀይቁደ ሞገቴዳ። ጸሳ ማጸፋይ ግያዋዳንካ፤ ሄዘንልያ ጋለስ ሀይቁዋፕ
- 5 ደንዲደ፤ ጸጽሮሳው ቆንጨዳ። ሄዋፕ ጉይያን፤ ባረ ኪቴዳ ታማን ላአቶ ቆንጨዳ።
- 6 ሄዋፕ ጉይያን፤ እቼሹ ጴቴዋፕ ዳርያ ባረና ካልያ አሳው እት ካላ ቆንጨዳ። ኡንቴንቴፕ ዳርያ ባጋይ ሆኖ ጋካናሰካ ፓጸ ደኢኖ፤ ሸን አማራዳዋንቱ ሀይቁድኖ።
- 7 ሄዋፕ ጉይያን፤ ያቆባው ቆንጨዳ፤ ጉየፕ ባረ ኪቴዳ ኡባቶ ቆንጨዳ።
- 8 ቃይ ኡባፕ ዉርሰላን፤ ዋዲ ጋከናን የለቴዳ ታዉካ ቆንጨዳ።
- 9 አያው ጎፕ፤ የሱስ ኪቴዳ ኡባፕ ታን ላፋ፤ ታን ጸሳ ዋሳ ጎልያ ዋይሴዳ ድራው፤ የሱስ ኪቴዳዋ ጌተታደ ጴስታናዉካ በሰከ።

15:3 እሳ. 53:5-12 15:4 ማዘ. 16:8-10፤ ማቶሳ 12:40፤ ኪታ 2:24-32
 15:5 ማቶሳ 28:16-17፤ ማር. 16:14፤ ሉቃሳ 24:34፣ 36፤ የሃ. 20:19
 15:8 ኪታ 9:3-6

10 ሸን ጸሳ አጾ ኬካተላን ታን ታናካ። ቃይ ታዉ እ እሜዳ አጾ ኬካተላይ መላ ግድቤና፤ ሸን ታን ኡንቱንታ ኡባጥ አላደ ኦላድ። ሸን ታናና ደእያ ጸሳ አጾ ኬካተላይ ኦሌዳጥ አትን፣ ታና ግድከ።

11 ሰም ታና ግድጥካ፣ ዎይ ኡንቱንታ ግድጥካ፣ ኑን ኡባይ ኦድያዌ ሀዋ፤ ህንተንቱካ ሀዋ አማኔድታ።

አሳይ ሀይቁዋጥ ደንደናባ

12 ክርስቶስ ሀይቁዋጥ ደንደዳዋ ኦድያዎ ግድጥ፣ ህንተንቱጥ እት እት አሳቱ ያትና ዎቲደ፣ “ሀይቁዳ አሳይ ሀይቁዋጥ ደንደና” ያገኛ?

13 ሀይቁዳ ኡራይ ሀይቁዋጥ ደንደቤናዎ ግድጥ፣ ያትና ሄኮ ክርስቶስካ ሀይቁዋጥ ደንደቤና ግያዎ።

14 ክርስቶስ ሀይቁዋጥ ደንደቤናዎ ግድጥ፣ ያትና ኑን ኦድያዌካ መላ፤ ቃይ ህንተ አማኑካ መላ።

15 ቃይ ኑን፣ “ክርስቶሳ ሀይቁዋጥ ደንደና” ያገደ ጸሳባ ማርካቴዳ ድራዉ፣ እ ዎርዶ ማርካቴዎ ግዲደ ቤቱደ። ሸን ሀይቁዳዋንታ ሀይቁዋጥ እ ደንሰቤናዎ ግድጥ፣ ክርስቶሳካ ደንሰቤና።

16 እያዉ ጎጥ፣ ሀይቁዳዋንቱ ሀይቁዋጥ ደንደናዎ ግድጥ፣ ሰም ክርስቶስካ ደንደቤና።

17 ክርስቶስ ሀይቁዋጥ ደንደቤናዎ ግድጥ፣ ህንተ አማኑካ መላ፤ ቃይ ህንተ ሀዋ ጋካናዉካ ናጋራና ደኢታ።

18 ሰም ክርስቶሳ አማኒደ ሀይቁዳዋንቱካ ቃይ ቆዬድኖ ግያዎ።

19 ኑን ሀ ደኡዎ ጸላላዉ ክርስቶሳን ህዶቱዳ * ግድጥ፣ ሀ አላምያን ደእያ አሳ ኡባጥካ ኑባይ ሎኤና።

20 ሸን ክርስቶስ ሀይቁዳዋንቱ ደንደ ባይራ ግዲደ፣ ሀይቁዋጥ ደንደዳዌ ቱም።

21 እያዉ ጎጥ፣ ሀይቁ እት አሳ ባጋና ሀ አላምያ ዬዳ፣ ሀይቁዳዋንቱ ደንደኑካ ቃይ እት አሳ ባጋና ዬዳ።

22 እያዉ ጎጥ፣ አሳይ ኡባይ አዳማና እትጥተላ መጴዳ ድራዉ ሀይቁዳዋዳን፣ ክርስቶሳና እትጥተላ መጴዳ ድራዉ፣ ኡባይ ደኦ ደንደና።

* 15:19 ህዶታ- ክርስቶሳን ኑ ዎሌዳ ኑ ኡባ ህዶታይ፣ ሀ አላምያን ደኡዋሳ ግድጥ፣ ሀ አላምያን ደእያ ሀራ አሳቱዎ ኡባጥካ ኑባይ አጲደ ኢታ፣ ጉሳ።

23 ሽን ኡባይካ ባረ ካላን ካላን ደንዳና። ክርስቶስ ኡባጥ ካስቲደ ደንዴዳ፤ ሄዋጥ ጉይያን፣ ክርስቶሳዋንቱ ክርስቶስ ይያ ዋደ ደንዳና።

24 ሄዋጥ ጉይያን፣ ክርስቶስ ማታ ኡባ፣ ጎዳተላ ኡባን ዋልቃ ኡባ ቆይሲደ፣ ጸሳው ባረ አቦ ካውተላ እምያ ዋደ፣ ዋድያ ዉርስላይ ያናዋ።

25 እያው ጎጥ፣ ጸሳይ አ ሞርከቱዋ ኡባ አ ገድያጥ ጋርሳና ዋላና ጋካናው፣ ክርስቶስ ሞዳናው በሴ።

26 ኡባጥ ዉርስላን ቆዩደ ደእያ ሞርኪ ሀይቁዋ።

27 እያው ጎጥ፣ ጸሳ ማጸፋይ፣ “ጸሳይ ኡባሳ አ ገድያጥ ጋርሳና ዋሊደ ሞድሴዳ” ያጌ። ሽን ኡባባ አ ገድያጥ ጋርሳና ዋሊደ ሞድሴዳ ግያ ዋደ፣ ኡባባ ኦፊዳ ጸሳጥ አትን፣ የኮ ኡባይ ሞድቴዳ ግያዌ ቆንጨ።

28 ሽን ኡባባይ ክርስቶሳው ሞድቴዳዋጥ ጉይያን፣ ክርስቶስ ቃይ ባረ ሁጸው ኡባባ ባረና ሞድሴዳ ጸሳው ሞድታና። ጸሳይ ቃይ ኡባባ ዉርሲደ ሞዳና።

29 ሄዋ ግዳና ቆዮጥ፣ ሀይቁዳዋንቱ ኮታ ጸማቀትያዋንቱ አያ ኦሊና? ሀይቁዳዋንቱ ኡባካ ደንደናዋ ግድጥ፣ አሳይ ሀይቁዳዋንቱ ኮታ እያው ጸማቀቲ?

30 ያትና፣ ኑን ኡባ ዋደ እያው ሀሳየና መቱዋን ገሌቶ?

31 ታናዳን አማንያዋንቶ፣ ታን ኑ ጎዳ ክርስቶሳ የሱሳን ታው ደእያ ህንተናን ጨቀታደ፣ ጋላሳን ጋላሳን ሀይቃይ።

32 ታን ኤፊሶንን አሳ ቆፋዳን ዱኣና ባጸቴዳዌ ታና አያ ማዲ? ሽን ሀይቁዳዋንቱ ሀይቁዋጥ ደንደናዋ ግድጥ፣ “ሰም ሞይተነ ኡሾይተ፤

እያው ጎጥ፣ ኑን ዋንት ሀይቃና” ግያዋ ማላ።

33 ጭመቶጥተ፤ ኢታ ላገተላይ ሎኦ ሀናታ ባይዜ።

34 ጽሎተላኮ ሰምተ። ናጋራ ኦሎጥተ። ህንተንቱጥ እት እት አሳይ ጸሳ ኤረና፤ ታን ሀዋ ህንተንታ ዬላያናው ጋይ።

ሀይቁዋጥ ደንዴዳ ቦላ ሀናታ

35 ሽን እት አሳይ፣ “ሀይቁዳ አሳይ ዋኒደ ደንዳኔ? አንቱንቱ አያ ማላ ቦላና ያኔ?” ያገናን አገና።

36 ኔና ኤያው፣ ኔን ጋድያን ዘርያ ዘረላይ ሀይቀናን ሞከና።

37 ኔን ዘርያዌ ዘርጋ ግድና ዋይ ሀራ ቆሞ ካላ ግድና፣ አይፍያ ጸላላጥ አትን፣ ላም ደሊደ ከሰያዋ ግድና።

38 ሸን ጸሳይ ዘረፋው ባረ ዶሴዳ ቦላ እሜ፤ ቃይ ዘረፋ ኡባውካ ሁጲያን ሁጲያን ኡንቲንቲ ቦላ እሜ።

39 መጠታ ኡባ ኦሹ እቲዋ ግደና። ሸን አሳ ኦሹ እቲዋ፤ መሀያ ኦሹ ዱማ፤ ካፋቲዋ ኦሹካ ዱማ፤ ቃይ ሞልያ ኦሹካ ዱማ።

40 ቃይ ሳሉዋ አሳተላቲነ ሳኣ አሳተላቲ ደኢኖ። ሸን ሳሉዋ ቦላ ቦንቹ ዱማ፤ ቃይ ሳኣ ቦላ ቦንቹ ዱማ።

41 አዋይፍያው ኣ ሁጲ ቦንቹ ደኤ። አገናውካ ኣ ሁጲ ቦንቹ ደኤ። ቃይ ጸልንታቶካ ዱማ ቦንቹ ደኤ፤ አያው ሳጥ፤ እት ጸልንቲ የኮ ጸልንትያጥ ቦንቹዋን ዱማቲ።

42 ቃይ ሀይቁዳዋንቲ ሀይቁዋጥ ደንድያ ዎይ ሄዋዳን ሀናና፤ ሀይቁያ ቦላይ ሞገቲደ፤ ሀይቀና ቦላ ግዲደ ደንድና።

43 ቦላይ ቶሽያን ሞገቲደ፤ ቦንቹዋን ደንድና። ቃይ ዳቡራን ሞገቲደ፤ ዎልቃን ደንድና።

44 መጠታ ቦላይ ሞገቲደ፤ ጌሻ አያናን ካለስትያ ቦላ ግዲደ ደንድና። መጠታ ቦላይ ደኦጥ፤ ቃይ ጌሻ አያናን ካለስትያ ቦላይካ ደኤ።

45 ሀዋዳንካ፡ ቃይ ጸሳ ማጸፋን፡ “ኮይሮ ብታኒ፡ አዳም፡ ፓጻ ደእያ አሳ ግዲደ መጠቲዳ” ያጌ። ሸን ዉርስላ አዳም ደኡዋ እምያ አሳ ግዴዳ።

46 ሸን መጠታ አሳይ ኮይሮ ዪና፡ ጌደጥ አያና አሳይ ዬዳጥ አትን፡ አያናዌ ኮይሮ ይቤና።

47 ኮይሮ አዳም ቢታጥ መጠቲዳ፤ እ ቢታጥ መጠቲዳዋ። ላኤንሱዋ አዳም ሳሉዋጥ ዬዳ።

48 ሀ ሳኣ አሳቲ ቢታጥ መጠቲዳዋ ማላቲኖ። ቃይ ሳሉዋ አሳቲ ሳሉዋጥ ዬዳዋ ማላቲኖ።

49 ኑን ቢታጥ መጠቲዳዋ ማላ ማዬዳዋዳን፡ ሳሉዋጥ ዬዳዋ ማላካ ቃይ ማያና።

50 ታናዳን አማንያዋንቶ፡ ታን ግያዌ ሀዋ፤ አሹነ ሱላይ፥ ጸሳ ካወተላ ላታና ዳንዳየና። ቃይ ዎቁያዌ ዎቀናዋ ላተና።

51-52 ሰስተ! ታን ህንተንቶ እትባ ጹራይ። ኑን ኡባይ ሀይቆኮ። ሸን ዉርስላ ጹራምባይ ፑነትያ ዎደ፡ ልጴዳ አይፊ ጴላናዉ ዎዛና ኣግናን ላመታና። አያው ሳጥ፡ ጹራምባይ ፑነትያ

15:45 ደመላ 2:7 † 15:50 ሀ ሳኣ ቦላ ደኢደ አሳይ ማዬዳ አሹዋን ሱላ፡ ጉሳይ ሀ አላምያ አሳተላ ጉሳ።

ዎደ፡ ሀይቄዳ አሳይ ዎቀና አሳ ግዲደ ደንዳና፤ ኑንካ ላመታና።

53 አያው ጎጥ፡ ሀዌ ዎቄያዌ ዎቀናዎ ማያናዉ በሴ፤ ቃይ ሀዌ ሀይቄያዌ ሀይቀናዎ ማያናዉ በሴ።

54 ሸን ሀዌ ዎቄያዌ ዎቀናዎ ማይያ ዎደ፡ ቃይ ሀዌ ሀይቄያዌ ሀይቀናዎ ማይያ ዎደ፡ ሄ ዎደ፡ ጸሳ ማጻፋይ፡

“ሀይቄ ጸነቲደ ሞተቲዳ።

55 ሀይቆ፡ ነ ይሻይ ሀቃኔ?
ሀይቆ፡ ነ ጸኑ ሀቃኔ?”

ጌዳ ቃላይ ፖለታና።

56 ሀይቄ ዱክያ ዎልቃ ናጋራፕ ደሜ፤ ቃይ ናጋራይ ዎልቃ ሀገያፕ ደሜ።

57 ሸን ኑ ጎዳ የሱስ ክርስቶሳ ባጋና ኑና ጸንሰያ ጸሳ ጋላታይ ጋኮ።

58 ታን ሲቅያ ታናዳን አማንያዎንቶ፡ ሄዎ ድራዉ፡ ቃጸናን ሞን ኤቂተ። ሀንተንቲ ዳቡራይ ጎዳ ባጋና መላ ግደናዎ ኤሪደ፡ ኡባ ዎደ ጎዳ ኦሱዎ አዛለናን አላተ።

16

የሩሳላመን ደእያ አማንያ አሳዉ ሸቄዳ ሚሻ ማዲዎ

1 ጸሳ አሳቶ ሚሻ ሸሻናዉ ጋላትያን ደእያ አማንያ አሳቶ ታን ቃላ ገሌዳዎዳን፡ ሀንተንቲካ ቃይ ሄዎዳን አላተ።

2 ሀንተንቲ ታን ያ ብያ ዎደ፡ ሚሻ ሸሻና ማላ፡ ሀንተ ኡባይ ዎጋ ጋላስ ጋላስ፡ ሀንተ ደምያ ኬናፕ ሀንተ ጎለን ዳጋይተ።

3 ታን ያ ጋክያ ዎደ፡ ሀንተ አማንያ አሳ ኦና ግደፕነ፡ ሀንተ አሜዳዎ ጋላና ማላ፡ ዳብዳቢያና ኡንቲንታ የሩሳላመ ኪታና።

4 ቃይ ታን ኡንቲንቲና ባናዉ ኮሾፕ፡ ኡንቲንቲ ታናና እትፕ ባናዎንታ።

ጳውሎሳ ቆፋቲዎ

5 ታን ማቅደንያና አዳአደ፡ ሀንተንቲኮ ባና፤ አያዉ ጎጥ፡ ታን ማቅደንያና አዳይ።

6 ታን ብያሳ ሀቃ ግደፕነ፡ ታ ቡሳን ሀንተ ታና ማዳና ማላ፡ ሀንተ ማታን አማራዳ ዎድያ ጋምኤናን አግከ። ዎይ ባልጉዎካ ሀንተ ማታን ሻጨናን ዎያ አጋና።

15:51-52 1 ተስ. 4:15-17 15:54 አሳ. 25:8 15:55 ሆስ 13:14

7 እያው ጎጥ፣ ታን ሀእ ያና አጻጻፈ ሄ ኦግያና ህንተንታ በእናው ኮይከ። ጎዳይ ጎጥ፣ ህንተ ማታን አማራዳ ዋድያ ታካናው ቆጋይ።

8 ሽን ታን ጸንጸቆስተ ግያ ጋላሳይ ጋካናው ኤፈሶንን ጋምኦና።

9 ታው ኦሱ ኩሜዳ እኮ ፐንጊካ ያን ደየቱዳ። ቃይ ታው ጮራ ሞርከቱ ደእኖ።

10 ጽሞቶስ ህንተንቱኮ ዮፐ፣ ህንተ ማታን እ ያየናን ደእናዳን፣ አ ሎይሶ አይቁተ። እያው ጎጥ፣ እካ ቃይ ጎዳ ኦሱዋ ኦሴ።

11 ሄዋ ድራው፣ ኦንነ አ ካጵፖ። ሽን እ ታኮ ሳሮ ሰማና ማላ፣ አ ማዲደ ሳሮተላን ሞይዘተ። እያው ጎጥ፣ ታን እ እሻቱዋና ሰማናዋ ናጋ ኡታድ።

12 ሽን ኑ እሻ አጲሎስ የኮ እሻቱዋና ህንተንቱኮ ባና ማላ፣ ታን አ ምንሳ ዋሳድ። ሽን ሀእ ህንተንቱኮ ባናው ኮይቤና፤ እ ባረው ሚክያ ዋደ ህንተንቱኮ ባናዋ።

ዉርሰላ ዘርያነ ሳርታ

13 ቤጎትተ። አማኑዋን ምን ኤቁተ። ጸልተ። ጎብተ።

14 ኦሱዋ ኡባ ሲቁዋን ኦሳተ።

15-16 ታናዳን አማንያዋንቶ፣ እሰጽፋኖስነ አ ሶይ አሳይ ግሪከን ኮይሮ አማኔዳዋንታ ግድያዋነ ጸሳ አሳቶ ኦላናው ባረንታ እሜዳዋ ህንተ ኤሪታ። ህንተንቱካ ኡንቱንቱ ማላ አሳውነ፣ ኡንቱንቱና ኦሳያ ኡባው ዳቡርያ ኡባው ኤኖ ጋናዳን፣ ታን ህንተንታ ዋሳይ።

17 እሰጽፋኖስ፣ ፓርዶናጽሰነ አካይቆስ ህንተ ባይናሳን ታና ቦራሰሰቤና ድራው፣ ኡንቱንቱ ዩሳን ታን ናሽታይ።

18 ኡንቱንቱ ህንተንታ እያናን ምንሴዳዋዳን፣ ታናካ እያናን ምንሴዳ ድራው፣ ሄዋንቱ ማላ አሳቱዋ ደጎፕተ።

19 ኢሰያን ደእያ አማንያ አሳይ ህንተንታ፣ “ሳሬ፣ ሎኤ” ጊኖ። አቁላይነ ጽርሰቁላ ባረንቱ ሶይን ሺቅያ ዋሳ ጎለ አሳናካ ህንተንቶ ጎዳ ሳርታ ዋዛናፕ ኪቲኖ።

20 እሻቱ ኡባይ ህንተንቶ ሳርታ ኪቲኖ።

እቱ እቱዋና ጌሻ የረታ የረቲደ ሳርተትተ።

21 ታን ጳውሎስ ሀ ሳርታ ታ ኩሽያን ጸፋድ።

22 ጎዳ የሱስ ክርሰቶሳ ሲቀና አሳይ ደኦፕ፣ እ ሸቀቱዳዋ ግደ። ኑ ጎዳው፣ ሃያ።

23 ጎዳ የሱስ ክርሰቶሳ አጼ ኬካተላይ ህንተንቱና ግደ።

24 ክርሰቶሳ የሱሳን ደእያ ህንተንቱ ኡባና ታ ሲቁ ግደ። አመንእ።

ጌሻ ማጻፋ

The Holy Bible in the Dawro language of Ethiopia

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Contributor: The Word for the World International

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011-2024, Wycliffe Bible Translators, Inc. and The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 2 May 2025 from source files dated 1 May 2025

585b63ca-b8e6-55c8-bfef-10bdc95ad69c